

四庫全書

集部

欽定四庫全書

集部

御定歷代賦彙補遺卷三

四

詳校官檢討<sub>臣</sub>劉所

主事銜<sub>臣</sub>徐以坤覆勘

總校官編修<sub>臣</sub>王燕緒

校對官主事<sub>臣</sub>陳文樞

謄錄監生<sub>臣</sub>沈方大

欽定四庫全書

御定歷代賦彙補遺卷三

地理

登封龍山賦

明  
石 瑤

石子抱病登於封龍覽燕趙之墟望滄溟之浦慨然太  
息顧謂二三子曰美乎佳哉此陶唐代之故都也巨嶽  
雄峙長河駿奔崇岡複阜如抱如蹲萬壑衆流匯為九  
澤太行崛起溢出平原川橫夏后之橈地藏虞舜之璧

八年於外地平天成五月朔巡諸侯萬國天文別埜星  
當昂畢之區土壤分州域介幽并之宅川紆嶺迴鬱鬱  
崔崔峭壁聳秀丹峰凝輝晴瀑挂百尋之長練顛崖轉  
萬谷之驚雷上有蔽日干霄之古樹下有陵遷谷變之  
寒灰俗有避秦山多入晉嶽被重封川經幾濬虎嘯風  
冽龍行雷迅寒煙色舊李躬燈火之臺巖石光寒李予  
合從之印萬里交乎胸中千巖縱其一瞬其東則古之  
大陸也波洄鏡滌曼衍鏗鏘芡蒲芰荷肅乎風生海鳧

來遊鵲鵲互鳴牧乎觀津之野帶於平棘之城漁澗流  
歌廊廟隔江湖之興秋郊舒嘯英豪含感慨之情竇氏  
青山馮唐故宅納躡進言引卮正色國成茂草逢下帷  
之董生饁有高賓見耕田之冀缺人傳擊筑之歌士有  
談經之業貞觀章䟽一代忠良稷下遺書六經羽翼疇  
非治望夫唐虞豈獨事關乎列國其南則漢之鉅鹿鄘  
中也臺隍尚存煙屯霧昏想中興之舊業或寄跡乎荒  
原蕪萋存豆粥之亭潯水望冰漸之渡北道主人塵埃

物色對竈將軍雲龍際遇地存京觀李華興弔古之詞  
士遇明時文達展登瀛之步亦有閤閱池臺尚存平泉  
古樹閤里高門或三世而居司業或父子而握絲綸文  
妙一時張鷟號青錢之選才優當代衛公陳丹宸之箴  
翺有文章名崇史館絳真宰相官處詞林其西則戰國  
之陁山也山愈巔岼水愈潺湲橫峰似劍列嶂為關平  
臨三晉遙控全燕車不方軌士可當關料敵機危痛左  
車之不遇燒丹火伏訝隋女之登仙雪霽西屏冰封壁

合雲銷抱犢墮珮遺鈿誰登望海之亭直下螺峰之境  
地出危簪天開峻井龍蛇蚴蟉雨自來東廩鹿奔張泉  
從地湧劉因有志登福地而高吟敬仲多情撫遺蹤而  
自省篇成寶劍代國神遊文慕香山司空興冷悵九原  
之莫作幸吾生之登騁其北則古之中山曲陽也峻阜  
迤邐達於代邊隊通窮漠谷帶長川萬籟號風危城際  
天士如貔虎人擁戈鋌名寢秦謀共畏廉頗之勇喟興  
漢髀人思李牧之賢宜安城復再收趙境武靈臺古遺

下胡弦地存畫封之臺巖有棄瓢之叟夢得一世之詩  
豪李嶠諸儒之領袖安平之崔下曲之魏累代才名靈  
壽之曹崇城之董一時勲舊朱輪紫綬門地猶雄取印  
提戈聲華未朽問其士習則樂孝友敦詩書不侵然諾  
砥礪廉隅氣不可平直欲裂強秦之岳清應有志幾思  
登孟博之車節奮於窮壯形於老頸可刃而身不可屈  
頭可斷而碑不可草觀其民風則力織作勤畝童稚  
為婚雞豚娶婦族多辨類等其清濁禮謹送終稱其無



有至老猶勤雖貧不困人各守其淳朴俗頗希乎混沌  
其尤在可稱者士不妒才人多服義彭亨狡獪雖貴蒙  
嗤清介端良在微亦貴野無健訟之民官乏舞文之吏  
上不煩於刑戮下易為乎禁制此固先王舊澤雖經變  
故猶縷縷而未衰然寶聖代洪仁漸染百年首股肱之  
近地者也所可憾者人不思遠家無素蓄西成遺秉蕭  
鼓連邨春事轉空奉書絡繹平疇多發冢之夫柱礎有  
斬文之石民不知兵易為搖動地無守險輕相躡蹠蓋

自列國之擾五胡之亂開元之掠長平之怨女真之入  
蒙古之僭谷變千回地經萬戰民無固志殆土崩瓦解  
遭亂離之孔多俗有俠情豈擊劍衝冠帶流風之未變  
者乎嗟乎燕趙之地先王封建井田之地也燕趙之民  
先王衣裳冠帶之民也燕趙之俗先王禮義忠厚之俗  
也奈何世治則有世亂則走晉既東去宋亦南狩或割  
地以求成或退兵而感守使夫河嶽增悲金湯冒醜衣  
冠興歎草木蒙垢資壯士於敵國納寇讐於戶牖棄神

明之舊域設逋逃之淵數人不為怪士不知詬亦獨何哉此固有國家者之遠謀然亦士君子之宜憂不然高門縣簿華冕清裘致身樞要列位公侯徒因時而補益亦何貴於名流辭曰山有推兮石有泐疇造化兮無終極亦何為兮多太息

金馬山賦

明

劉寅

蓐收炳靈房星聚精超鴻濛而合秀倏凝結而成形此金馬之山所以直聳陬而奠昆明也歟在昔神禹受命

爰分九區表嶽鎮之崇崇隔方維之頓殊有岱有華抗  
東西以屹若曰衡曰恒畧南北而截如曠哉梁益併包  
坤隅功不假於疏鑿地獨鍾乎膏腴起層巒之嵯峨控  
南滇之故墟嶄谿硤之巖谷駕緜邈之方輿造父固莫  
施其銜勒王良亦難範以馳驅觀其蔓草垂駿尖峰批  
耳白月懸瞳青松掉尾漬赤潘以湛露流汗溝之邈迤  
鑄莫待乎棠溪產非資於麗水形類騰驤之騏驎勢似  
振鬣之騄駼過日影之須臾磨蒼旻於尺咫迨夫噓氣

成雲噴沫起風障泥炫熒熒之彩霞擊纓繞煌煌之流  
虹迅雷張其猛烈疾電助其威雄瀉甘澍以注下卷拳  
毛之蒙茸疊嶽益翠巔崖增紅洞扉啓殿閑之弘敞鶯  
聲響和鸞之玲瓏萬騎仰觀而辟易羣夷睨視而驚沖  
至於岌業歸魏岌堯齒萃或奔如驚或驟若突峻拔天  
脊峭削風骨翦翦森爽隱鱗嶮鬱香橫亘於百里擬長  
城之砢砢是宜拱帝京之尊嚴障大藩以寧謐也或有  
野老詰余而言曰子徒見其小而不窮其大知其名而

不究其實吾將為子陳之玄黃肇分氓生蚩蚩若魚若  
蟲無識無知聰明間出命為君師立一代之典章成四  
海之雍熙嗟惟此邦視為邊陲境荒荒而泯泯水漫漫  
而彌彌姚姒置之不即顧問商周鄙之不遑保釐俾昏  
迷而弗悟竟風靡於侏儻楚命莊蹻劈地遠來自王於  
滇顧瞻徘徊君臣之分少定天叙之典未諧漢武奮志  
勞民費財命張騫而遠出弭使節而虛回亦有孝宣不  
務大體慕神怪之恍惚行禋祀之瀆禮王褒馳驛而西

上僅致一奠而乃已遺祠廟於巖阿謾冥搜而遠紀唐  
畏嵯顛之跳梁宋限大渡之涯涘元雖小康亦何足齒  
猗歟皇明撫有萬方聖武神文巍巍堂堂既底寧於華  
夏遂有事於戎荒命矯矯之虎臣揮天戈而奮揚直指  
雲南掃除欃槍截長鯨之鬣鬣剝妖狐之肺腸顯允黔  
寧智勇忠良威已宣於戡定思復盡於胥匡化強梗為  
禮義變椎卉為冠裳揖讓之風濟濟絃誦之聲琅琅紹  
述前列適有惠衷招攜貳以誠信鎔頑嚚以慈祥國公

繼之綱紀益張載平安南功業彌昌總制仁賢淑旂綏  
章來鎮來臨克柔克剛致遠人之盡服邁前哲而有光  
俾金馬迴然而特立與碧雞相對而相望小姑息之宋  
元陋怯弱之漢唐夫然後知皇明之盛德冠古今而莫  
並紀昭靖之殊勲垂悠久而不忘余聞其言拜跪歎嗟  
遂為之歌曰金馬之傍兮有稻有秔金馬之陽兮有郭  
有城臣旬宣其善政兮民勤事乎農耕咸矢心而弗渝  
兮願永享夫千萬年之太平



連雲棧賦

明 楊廷宣

已卯之歲時方冬矣臘云暮矣余年過賈生學慚董相  
征征營營內不自定由是謀邁於行載言北征擔簦負  
笈陟岵跋阻攝穹窿控青雲扣天關順風而稱曰肇玄  
黃之既判兮乃陽浮而陰索嗟大塊之茫茫兮孰江排  
而山鑿帝既設此靈險兮余總州聞乎棧閣肆皇圖之  
廣運兮都形勝乎燕漠眇蠶叢之建國兮隅星分乎井  
絡連秦帶蜀方五百里兮繚咸陽以為郭阻褒斜之良

隆兮擁岐嶺之巨壑推隆理與替墜兮亦槩開乎往索  
良既策羽以絕望兮委回祿以燦灼何退身而驚擊兮  
思駕馭乎帝略迄超漢而麗楚兮遂用建夫三恪陽中  
路以迴車兮終不爽於髮膚白發歎而長嗟兮意深諷  
乎彼夫憤儀圖之詭秘兮誑金牛以為諛憫玄帝之遵  
駕兮忍蛾眉而西趨侈御愛之仙蹕兮瘁萬乘之玉軀  
蓋其危也足以駸駸巨麗而其致也不亦為禦侮之天  
區夫山本其奧也石備其崇也水出其蒙也盤龍突兀

峯崙崙萃瀕洞深涯翁蔚弗鬱天之所生也地之所產  
鳥不得而翔獸不得而逸四時變化剛柔錯摩交構乎  
其中終始乎其內其雲則黯黯黯黯雲曇衣被膚寸漸  
深候於本末遠視極黔邇之則黠黠於石礫黠於深谷  
黠黠淹留氤氲隱天幕幙屯需落落寞寞異於常態其  
雨則津津洵洵石潤林響瀑布滴珠滿壑盈瀨霑濕靈  
霽與地潛通豁徑汪流煙樹瀾灤松膏林沐淖潯跼蹐  
病於逆旅其風則飄飄颭颭轉山循谷料峭感發颭颭

批亢與二乘虛峻峰高颯平砥微颺颺落木寒颺切  
肌石尤激射打頭周回延歷萬象莫之可捕其日則黯  
淡蔽虧斜景過雲東谷西隅窺於中天噎晷晦冥翳瞽  
陰難未嘗昭晰其風俗之所習土地之所宜余故并吞  
其所經歷包舉其所問答而囊括其語焉於是有五德  
公子導余以喬關兮嵌雲路之巖從據尊卑之扼塞兮  
羅萬象於景從聳巔岼之埶喋兮怯衣繡之乘馳盤七  
曲而陽迴兮眴高目之瞇矇瞰龍江之窄窄兮瀉白練

之霓虹余既登此絕嶺兮瞠乎前觀藐乎後視拾級坎  
壘連步錯愕怔忡悸駭倦臨色勃久而後定乃渡木閣  
馳青橋涉淩競而惘惘兮列御風而憑空側身穿而撒  
捷兮足秦法之重重巉飛棟熾巉岨兮屹浮柱而增崇  
截王孫之便給兮礧礧而青葱靄雲樓與霧蜃兮比  
朝暮之仙蹤擣不足以爲術兮憫征夫之溟濛儂鞠躬  
而進登兮殆郭駝之形容馳丹梯下峻阪兮擬抱甕之  
忡忡亦既身倦而神罷兮乃偃息乎崖中訊往路以前

山兮越馬道與武關參差巷路偏側狹隘騎不得方人  
不得比吁嗟乎其赤帝之所興首咸陽以入關兮降子  
嬰而要盟羽不得而爭驅兮適自茲以為兵故稱名為  
劉垓兮意非此莫之與京因是以益遊乎奧屏兮閱千  
古之芳林於是有凌烟大夫挺瓌梧負霄漢迓余而言  
曰繫前林之矗矗兮豈非皇華之岐嶷楸檜障以蔽天  
兮鷗南溟之翼施旒就龍之蹇兮雖還糾會之標枝蕩  
日月以扶踈兮幹輪囷而參差杞強梁而麗霄兮樗擁

腫而鵠夷楊郅偈而膚敏兮檉垂身而委隨節美秀而  
喬脩兮紛篁籊之陸離目極望而攢暝兮何摧唯而鬱  
伊悲落木之蕭蕭兮恣行人之浙炊風雨晦而濤起兮  
響萬壑之隆墀余稔遊此窰窵兮窺管天而冥疑馳豫  
樟之絕榦兮駕鄧圃之平騎悵梁棟之齷齪兮雖牛山  
其何為彼其衆夥之富山桃石榴樵柿苦李小棗檉奈  
楂梨棖栗歛朱榮秘生意錯綜懸巖潛隱乎其中不可  
殫述由是踰三仝窺姜嶺山益進而集炭樹益窈而縱

橫憶岐豐之盛瑞播覽德之美名於是有綠衿使者麗  
質脩儀且逡且巡其氣也惻其志也怜玆睟直前凜括  
以此山之靈昔寶雞之耀羽兮托千里之峭嶸惟樊籠  
之我求兮窮巖突而多縈彼蒼鷹羅鷺紛修矚兮屬玉  
交青鵠鵠駕鷺晨風子規鷓鴣鷓鴣白練沙雞錦胸繡  
臆累黔啄兮羌有萬而難并鵲占歲而音妙兮鳥聚散  
而時鳴鶴宿霧而懷寶兮嗚呼類而為盟雉招搖而曳  
尾兮鳩思婦而藏聲鶴獨立而不懼兮鷓依稀而將迎



鴻漸遠而自得兮鴈遞北而從兄其他角毒之屬又未  
可以須臾傾蓋而語班荆而坐對也聊舉虎豹羣而晝  
哮兮黃熊慢而遷延狼跋胡而恣遊兮豪豬放而盤旋  
猱嫵媚而先後兮貌兔逸而長便狡狴茁而豐茸兮麋  
鹿呦而雲眠鼯鼯幻而躑躑兮狐貉衛而自賢余因聽  
此富擬上林靡邁長楊公子王孫有智不能以施馴磻  
羅羿有術不能以張王良何以歆趙主造父何以馭周  
蹄徒靡思於行李噫何補於攀躋既騁草涼之墟復背

東河之西失巖又呀隘若虎闕凌遲委蛇下若抃鳥崔  
嵬嶠嶠守若扼吭宋代之賢所以遏元兵而漠北之雄  
終不能向南鄭而窺也可不謂之壯哉天地設險高則  
為山深則為水山之所峙水之所流余又見夫玄冥先  
生之為費也濺洶濤泛瀟瀟出崎嶇走澶漲隨余馬而  
奔流諒余行而相望岌岌乎譎哉詭哉滔滔乎汎哉灤  
哉南通汴漢北入沂渭粵衆派之汎濫兮觴礫碌之衍  
徨經逶迤而迅駛兮晷愆愆而鏗鏘崢嶸震電之憑怒兮

嶸萬夫之阿房砥中流而瀆瀆兮沸枉尋而溢湯霈幃  
蓋之澶澶兮恍白鷺之翱翔懍三軍之旋凱兮搖甲冑  
之鐵裊撼韶濩之夜噬兮奮馮夷之擊霓灑雲根之溜  
篆兮濯白玉之琳琅邁蚪蚪之灑灑兮神太史之緝藏  
三江駭而奔鯨兮穀洛鬪而非常瓠子決而訇湃兮呂  
梁隘而飛浪未有似此之崛岉翻溢厖觸騰驤況其時  
也竺寒凝嶺沍凍呵僵冰崖珠絡雪獻瑤光人思挾纊  
之主屋存殫瘝之霜皓皓皚皚堅堅強強此亦過客之

壯麗奇觀也瀟灑拂鬱滌汔腎腸喜溢睂睫樂忘故鄉  
已而望秦塞之渭縈瞻太華之麗麓水東去而長辭翠  
漸微而山促嗟乃平原之易地豈非前代之雄都乎余  
乃繫離懷於山水寄餘情於巴蜀障庾規之塵窮阮宗  
之躅薊門煙月蘆溝曉昱輝煌乎帝里蓬萊乎京屋世  
態無常天時又速余於是復冬徃而春來兮殫未盡之  
芳蹤忽寒暄之易劑兮訝風景之靡同嵐開障麗石淦  
灘渾鱗鱗出沒鰈魼龜黿喁喁族族別孕鮪鯢獺入水

而肆捕豺同巖而懷吞余始驚夫昔者之遁而今者之  
溫故夫路翁蒼以彌深山爛漫而舒容百合異香徐來  
應風衡杜茝蘭綠蕙幽蘿薜蘿蕪荑山椒蓀長有質無  
名殆不可窮藁本射干石芥薤薑溫韭香菜赤根水芹  
豐蔚之盛何其隆歟若夫寶藏之興太守夜懷六奇反  
間熠燿繁光生乎古壙類乎石國則鳳山之產也黑金  
巧冶積薪而鼓鍛鍊成剛許子之所耕而晉國之所賦  
近代求猿伐木披荆又有夜光布綢綢牽百里則安山

之奇也玉版雲英非濤非倫燦如白雪膩如滑肌咸陽  
不足論其價山陰不足供其資西蜀賴焉三秦給焉則  
武關之藝也伊所居之棟宇兮樹板屋以層甍隨凸凹  
以傑隳兮無風雨之暴傾飯土銅如上古兮然松膏以  
為明性剛勁以質朴兮讓齊魯之蜚英挑雲水以上山  
兮燒石田以為耕播種稔以有秋兮蕪芋橡與蔓菁其  
官府之所寓舍則譙樓麗棟盛鶴搖鈴重門雙闕井幹  
華程黝堊壁飾後寢前廳無畱無害庖食具精勞乎遠

人達乎帝廷其衣冠之耀則祿不易常用其武弁間以  
流官統以方面毋暴毋忝考其勤倦撫其民人而庇其  
所縣嗚呼皇風清穆兮四海無虞山川莫安兮草木茂  
殊我生值此兮何德之腴余去故鄉千里兮獨褊褊於  
茲岵以高山為知己兮以流水為鍾期以喬木為朋友  
兮以道路為歲規名不見成功不可知手胼足胝化不  
轉移揚雄為之解嘲崔駰為之達辭齊師幾北卡玉屢  
齎惟守道以自全恐辱已而為嗤余故得假息於似秋

之館沈酣於吏部之天先生見而喏喏使者候之於長  
吁大夫腹非於其側公子反脣而擲揄噫嘻何吾子之  
倥傯兮勞不殫於僕痛荷一往之是訴庸再來之可乎  
彼一握以為笑亦焉知吾之為吾匪區區之宦轍抑以  
覽聖世之皇圖未敢擬司馬之遊不亦異博奕之徒非  
聞子言孰策余驚言以足志竊效漢儒乃相與忘形共  
賦於開山之途

浮玉磯賦

明

李若訥



浮玉磯者蓋蘄江之勝觀黃郡之秀出截然中流欹而  
律岸斯亦不列於岳志絕紀於山經物有遘美人或探  
靈觀銳玉之如削容奇石之若零巔趾吳楚源流潛霍  
縈波突獻佳名爰托砥柱錚錚標以磊砢洪濤繞乎四  
周遠脈亘乎叢薄似月之洲玉塵紛錯若木之華朱曦  
磅礴諦登厥勢擅彼一方圓峰前曉巖業球瑯馬口後  
扼渠潞洸洋左挹諸岫唐帽玉屏右拍近麓麒麟鳳凰  
收名區之韞釀擷上遊之徜徉其為狀也浸百丈於蛟

窟馭一失於練影彷彿巉巖憑陵收井歸然天成屹以  
日永壘長川其似柔插孤空其欲猛雲根跬步而層層  
霜骨凸凹而冷冷紆曲作枕於股肱綽約為延於項領  
於是地形既据人巧載施緣紛糾而戢晉削路道而躡  
踞瑩夷如砥化彼離奇雕石成檻即峻為基宛欺猗之  
不闕羌窰窰以相宜撫澆濤盈於頰仰因突兀撐於崎  
嶇層累適上岵帶參差鴻飛朝棟灑滿渚兮星簇夜疏  
洩瀆瀑兮藻稅雲索重欄複瓦架間脩梯文昌題下控

翼地之明昌符升華之福嘏引三楚於目中劃九江於  
祛祀八窗熒熒宇宙咸聞四戶脩脩山川交輳儼列宿  
其環枓擁紫微其庇厦太一魏崇如薦之竿鈎陳森列  
似排之榱聳義文於獨尊散殷質於猶野混沌千秋一  
旦而寫乃有翹秀之品穎俊之人登高寄思眺遠無鄰  
扶搖九萬攬結三春呼佳儕而領略商衆美而談論飛  
鴻目送流水神親意匠則寥廓悉入手削則瀕洞為新  
陟而帝座呼吸可因降而龍藏出沒有真掬綃珠於宇

淚起繡虎於文茵福綜法像瑞叶鴻鈞發江靈之鬱勃  
宣文曜之幻神此其符采大義吐納彬彬者也若其寒  
食梨雲重九桐雨芳草王孫臨淵漁父溯洄輕舸攜賓  
侶主當萬頃之既凌望片石而來撫斤絲竹其勿喧愛  
江天其欲譜徙倚登臨月光遙吐薄烟渲之上下川浦  
笑起僧寮茗汁半茹咀彼清疎揮茲塵塵採蠶帆而未  
能引螺卮而願舞蹈綠苔之髮髻忘紫髯之腥醺亦以  
點綴玉痕潤色天宇無取於粉黛之綵繒鬼瑱之綺組

驚破天門之夢汰消佛德之祐至於僧田百畝蒲饌一

盂仰庀俎豆俯結精廬隔水鄉而不遠棲山間而為徒

指秬稻以檀越守

原本缺二字

以苾芻升斗之水不減衣珠

方寸之名可代神思推其餘粒餐及寒儒篝燈之夜可  
熄蛟人之歎歔屑玉之子皆揚帝宿之居諸抑又功德  
與礪並泐福利將江並濡蘄蘄不朽何潤何枯

頑山賦

有序

明

黃淳耀

黃子遊豫章見水次有山塊然生黝然黑骨然立草木

泥土一不得附麗焉徵其名於土人皆不能答黃子曰  
噫此頑山也放於寂寞之濱不能出雲雨見怪物感而  
作賦且責且譽焉

茫茫太始厥初生山下根坤軸上薄玄間擢草木而為  
髮涌金銀而發顏含陽吐霧祇包鬼闕三浮瀛海五鎮  
人窠鳥飛翻兮不極猿狡點兮難攀峰復峰兮萃律潤  
又澗兮潺湲吾獨怪夫南斗元精西江洪秀割為此山  
肖形惟陋榮脈不分首脊相脅側瞰無林平觀失岫合

類釜鬻分俸釘餌靈草避而不生零霞舉而莫就巨靈  
擘之不能離始皇鞭之不能走吾得諡之曰頑異古初  
之所授有如鼇岫春過蓮崖雨徧樹合疑屏花開似面  
樵客往而路迷羽人來而目眩時維此山頽然不變如  
彼朱門繁華相扇季路原思不離貧賤又若凜秋勁冬  
千山其空桂枝葱蒨松蓋牢籠霰雪加而如怒瀑泉激  
而生風時維此山訕然窮窮如彼亂世干戈相雄黃公  
綺季保其童蒙至若兩孤奇絕廬岳怪偉翠撲雲端繡

鋪谷裏遠喻連衡近同壓壘千巖仰之若附庸萬嶽奔之若兒子嗟此山之不朝類海國之負恃彼萬夫之仰觀繫仁者而樂之相陰陽而卜宅奉牲璧而禱祈非亘地而凌轢百國即觸天而雲雨四陸苟其頑也類此復奚取於山為若夫劫火揚灰洪流滅木澤竭伊洛之源鐘響銅山之谷壞碑沈滄海之濱跛羊上廢臺之麓則此山之堅完雖一毫而不縮有踞齒之雕虎暨修頭之赤精日經營乎窟宅思咀嚙乎含生畏此山之發露乃



歛爾而遐征彼蛟龍之跳波雖捧土而莫爭立此山於  
堤岸類屹然之金城桑沃若而春美黍翼然而秋成合  
大氣於胚暉配神功之無名吾不知在天地者幾千萬  
載豈夫人之所能輕方大縣邈石閭杳冥吾將遊六合  
而遙返求至道於山英

小湖山賦

明  
楊守陳

要樂齋之庭有物焉埏埴所作煨燼所存體圓蓋法乎  
乾質厚實本乎坤色黝如漆腹空若樽中外刻鏤作美

集文其名曰何黝蓮之盆又有物焉出自崑山巉巖峯  
客虎坐而垂頭熊踞而盤蹠為岵為岐有洞有壑勢欲  
軼雲玉雪其色頂踵肥寬腰脅羸窄其名曰何玉壺之  
石盈盆注水置石於其間水則萍泛鱗泳石則蔓丹青  
殷漁漣漪於墀下滃煙霞於砌端不煩登涉剗足遊觀  
故合而名之曰此吾洞天之小湖山也客有見者莞爾  
語余此特一勺之水謂為何湖一拳之石謂為何山歟  
余曰此洞庭湖也即禹貢之所謂九江此泰山也即舜

典之所謂岱宗客乃呿口揭脣兩手交拍而大笑曰予  
何誕妄之甚哉夫洞庭之為湖也萬壑所趨九水所匯  
包楚帶吳綿亘八九百里吞若雲夢者蓋不知其幾沖  
融渺瀰漫滂滂潏潏駭浪洪濤震薄無際日月出沒乎其  
中雲雷長育於其內節彼君山插天盤地峙其中流僅  
若螺髻十二其廣且大莫之與比秦岱之為山也造化  
鐘秀為五嶽宗龍嵒巖削劣上薄太空入歸鳥於決皆生  
曾雲於盪胸道羊腸而上者越四十餘里然後至於天

門之內日觀之中猶未造乎絕頂然已視羣山如蟻封  
黃峴石壁馬棚雞籠凡若此類谷峪崖峰岩嶙逶靡纏  
屬紛徙跨齊越魯盤千數百里而青不窮其高且大莫  
之與同子以勺水拳石為湖山固已不韙謂為洞庭泰  
岱又何誕妄至此余曰至大惟天與地同道凡萬物不  
能似天地何者非小故鼎空四海稊米中國者北海之  
若塊視三山盃視五湖者大鵬之鳥然則洞庭之於勺  
水泰岱之於拳石相去安能以杪且物之小大定分固

異然性有所偏亦有相制彼春陽之比爐火日月之比  
燈炬蛟龍之比蜈蚣犀象之比狸鼠此其小大之相懸  
固不可同年而語然而凜冬一爐救春陽之所不燠暗  
室一燈徧日月之所不燭蛟龍長萬鱗也見蜈蚣則驚  
而縮犀象凌萬獸也覩狸鼠則畏而伏以此見春陽日  
月之功尚小蜈蚣狸鼠之威尤大其可小勺水拳石而  
大洞庭秦岱也邪然此徒差厥形未槩以理殊不知天  
地與我並生萬物與我同體何貴何賤孰遠孰通舉蓬

與楹西施與厲塵嶽涓河彭祖殤子分雖萬殊理則一耳故勺水即洞庭而拳石即秦岱其何分於彼此客乃斂容低首端拱而請曰此小湖山者惟天地大之而已抑別有物亦大於此余曰方寸之地有湖山焉陋叔度之汪汪軼子車之巖巖豈惟至鉅亦復至纖其大則天下莫能載雖毫末不足以定至纖之則其小則天下莫能破雖天下不足以窮至鉅之域然其大其小無形無聲離婁之目不得而明師曠之耳不得而傾爾安得而

識之於是客若有慚長揖而去吾獨立於湖山之前仍  
逍遙而容與

玄雲石賦

元  
袁  
楠

泗流迴淵禹朝步兮秉陰發竒靈鼇負兮玉質墨章浮  
帝都兮庶辨以清協磬濩兮堅剛洞虛積玄感兮磅礴  
太素屹空嵌兮靜居泊如日儀以湛兮虛一闡圖握九  
讚兮八方宣明二儀竅兮抱形介貞合窈渺兮網網緼  
緼道之奧兮肇稱玄雲吾將以觀衆妙兮

塵賦 有序

明 謝肇淛

司李於齊齊地善風時而風則時而塵也車塵馬足之間為所困者蓋歲強半焉小人何知享其利者為有德乃作塵賦病之矣

陳王徙封於鄆殷憂寡豫翠幃空揜朱紵弗御永夜徬徨攬衣待曙乃指輕鑾肅柔轡敕朋導出童騎曲蓋翬飛屬車鱗次肆遙矚於平川弔遐蹤於荒隧羨獨鳥之依雲怨枯枝之覆地於是殘暑既徂勁飈徐引白雁時



哀綠蕪半隕妍曲再行良醕未盡塵埃西來襲裾圍軫  
王乃酌犀盃褰鮫帷詠將車於周雅歌彈冠於楚辭顧  
謂仲宣為寡人賦之仲宣倚馬而揖蒙袂而進曰臣聞  
蒼莽既升湛濁斯凝臯壤坳結蓬塊飛騰禮取鳴鳶同  
載莊喻野馬為朋軒轅思輔而入夢藥子克敵而見稱  
起雲臺而悼逝揚東海而表靈陳蔡之炊偶墮萊蕪之  
甑相仍又聞黑水食於玄地瀛洲輸於橘叟遇清歌而  
能飛棲弱草而難壽丁約比夫兩劫瞿曇譬之三有夫

惟聖人和光而相同胡為乎揚堞奔軼而瞠乎若後若  
乃亢龍行天熾鳥走阪時膏方屯烈景驕蹇勁幹催頽  
纖莖焦偃土耗數而成灰氣鬱拂而欲反於是雲起天  
際風嘯木末白砂空飛黃塵野合其為狀也炎炎隆隆  
貿貿濛濛飄如曳練卷如驚龍突如霧起覆如紗籠初  
徘徊於馬足既糾結於林叢俄旋轉於廣陌遂翳漲於  
層空靈川障海掩日韜紅天黯澹而無色山淒迷而失  
容陵谷易位津原不通既隨駟而沒斛亦入軾而縈胸

埋錦茵而漾漾沾銀鐙而重重令人耳目聾瞶不知朝  
暮心意迷惑莫辨西東至乃精室幽蹤香閨靚嫿簾已  
垂而過隙扉長扃而窺戶外凝呆愚內委箇露上擁焚  
燎下盈巾屨散漫牀帷飛聚編素秘笥啓而奪鮮文鏡  
懸而失故振衣者望而歎息膏沐者不勝拗怒其或選  
勝構會弭節探芳金屏既列綺席初張嬌歌始薦妙舞  
載揚疑遠山之掩睇隨飛花而撲觴旨酒淤滓和羹糝  
糠杯盤修其狼籍侍從為之蒼黃若夫代馬越車南轅

北軌竭蹶名場崩騰利籍晨履繁霜夜隨殘魄垢汙巾  
背蓬鬢覆額錯趾荒原接臂長陌素衣已緇髣髴半白  
形營營而靡寧意皇皇而不釋終槁死其未悔膏黃壤  
於疆場瞻北邙之嶽嶽望荒墳之露積麋齧草於窪陂  
狐嗥烟於陰澤翳陌上之紅塵皆當年之翕赫方夫炎  
歊薰騰宵人望之而下拜及其陵谷變遷童子聚之以  
為食嗟千古而一揆孰求歸其故宅乃作歌曰秋風起  
兮水揚波樂事短兮愁懷多浮雲蔽白日士子當奈何

又申歌曰川東逝兮晷西馳歲方晏兮綠華衰君胡為  
兮不回首逐遊塵兮能幾時歌曲未終王涕霑臆涓人  
撒俎太僕旋軾無咎無譽與時消息

觀海賦

明王亮

壯矣滄溟號之曰海浩蕩瀰漫誰為之宰包宇宙之無  
外兮納山澤之趨奔豈崑崙之發源兮疇岷峨之派分  
昔浮圖之所不能竟兮豈漁父之所得聞時乎雲開霧  
霽月朗風清萬里一色三光瀉明羅七緯於波底容億

像於鏡中長鯨巨蛟兮不知其凡幾也如蚖蚓之躍濤  
池鮐鰭鯢鯉兮疇得而為紀也如糠粃之浮太空鵬翼  
覆三山兮曾不足以當北溟之徑寸鼇足戴六極兮差  
可云滄波之一塵艤衝巨艦橫亘千尋兮若風中之一  
葉漁舟釣艇以萬億兮若天際之微氛舉首而凝望兮  
忽而現島樹於有無之間極目而遠覽兮恍焉見扶桑  
於河漢之濱初陽晃晃而直上兮紫雲捧明珠而團寶  
蓋晚霞燦燦而掩映兮翠羽蔽金葩而砌玉鱗乃若天

邊雲轂水際波生蕩漾而差池兮堆萬頃之琉璃淥皴  
而文或兮布千機之綺綾羣鳥瞰波光而翼舞兮舟人  
望清流而櫂輕其或颺翻浪湧魚鬪螭爭長濤雲噴巨  
壑鐘鳴順風揚帆兮頃刻而千里至逆流鼓棹兮跬步  
而萬山騰吾不知其從何而來也疇若斯乎混礪而崩  
洪須臾颺息倏爾波平篙師拍手旅客懽聲覺向來之  
怒號如浮煙之過空吾不知其從何而去也又若斯乎  
日朗而雲紅逮夫春陽燠暎積雨初晴神龍吐涎蜚氣

乃成瑤臺貝闕兮參差而屬鼎珍禽異獸兮羣飛而隊  
行惚恍兮馬童之舞鸞鶴蒼茫兮神君之駕蚪龍琪花  
萬朶而齊開兮輝煌而奪目珠樹千行而列翠兮葱鬱  
而崢嶸西媼頰顏而陳綺席兮仙姝鳥爪而奏瑤笙宛  
矣七洲與三島兮譎哉十二樓而五城蓋嬴皇之所不  
能履也亦赤帝之所不得憑豈洪流之無知兮疇能爾  
乎詭怪而靡詰抑小海之有神兮故若茲乎變幻而效  
其靈墨客騷人兮挹清瀾而詞源彌瀚豪士瑰才兮觀



奇波而壯心若驚蓋豈徒誇觀濤之鉅麗今夫抑亦羨  
破浪之長風偉哉莫狀其景色之奇也且也猶譚其器  
大之宏乎夫磊砢而戲波兮蒼漭自若萬棹爭橫而激  
水兮渤澥逾澄早魃隆而赤地千里兮浩淼之波無涸  
滯滂縱而溪澗漲溢兮尾閭之浸不盈隘三江而失九  
河兮若垂絲而曳帶藐洞庭而陋彭蠡兮直梧杓而瓶  
罍信乎觀於海而難為水也乃孟子興之言為有徵嗟  
余生長於東海之濱也亦相忘於蕩蕩兮而難為名

南海賦

明周用

處僻陋而無見恐不達於人情命豐隆以前導召義和  
以輔行駕長風與鵬翼吾將周覽於寰瀛祝融踴躍以  
來告請載觀於南溟偉南溟之為器何容量之恢弘俯  
而視之渺渺溟溟不見其色但聞其聲如混沌之未判  
似太極之初形勾乾之奧隱坤之庭居離之位括坎之  
精浮天載地分功之普藏污納垢分德之宏潮來汐往  
兮信之著周流無滯兮知之行磅礴兮桑沃之野連據

兮反戶之紘滄兮我鄰漲兮我親青兮我友瀚兮我賓  
沮洳夷獠控引甌閩揚越疆理荆益偏連區新效順灑  
渚來旋涌渤潏涖浩蕩涯濬涓澮淖瀾瀾濶淪茫茫  
無地浩浩其天若乃天風一鼓洪漣起怒恍兮六鼇兮  
轉地維忽兮康回兮觸天柱冰岸湍湃而巉巖雪山涓  
沸而跋扈洑澍振百萬之貔貅悵何物之可禦聚氣為  
雲飛沫成雨流為江澤派為河浦浩浩礫礫成萬頃之  
斥鹵資人育物來商會賈國家之財於是而聚絲巴蜀

之井毫河東之鹽鰈兮掉尾而漲百川之水鼇兮舉首  
而冠三神之丘張月為電兮閃閃鼓浪為雷兮杳杳樹  
發鼃鼃之背石生鯨鯢之頭文鯨一息而萬里大鯢一  
瞬而千秋或化垂天之鳥或吞萬斛之舟或豚或犬或  
馬或牛或虎而翅或豹而翔名龍名虎名鹿名麋為子  
為婦為媵為娼元元怪怪孰得盡詳鼃石抱浮而收子  
鼻屑骨枯而化魚六眸之龜三足之鼃玉出螫鮒之身  
豈止崑岡之璞珠出肺鼃之涎吳甯老蚌之腹綸似綸

兮組似組草之文理兮生於潮之許青為青兮紫為紫  
菜之佳味兮生於灘之蟲海市兮縹緲蜃樓兮盤紆蛟  
人兮有室淵客兮居廬黑斑兮玳瑁紅潤兮珊瑚可貢  
兮琅玕可器兮碑礪或淮夷之大貝或黃帝之玄珠犀  
牛海馬罔象天吳何靈怪之不有亦何珍寶之不儲所  
見者已不可盡記所聞者孰得而言諸爾其包括廣大  
發育無極洲嶼逶迤島谷巍崩為祥為妖胡能盡識驚  
鷺五采世樂五聲畢方一足鸛鸛比翼玄鶴舞兮遐齡

鳳凰飛兮覽德蛇兮百尋魅兮三尺鴉鳬潛藏猾裘隱  
匿跡踢三首旄馬四節黑人啖蛇黃獺食鐵猩兮能言  
獐兮無口鷄兮人足鸚兮人手若夫小邦大國羅布星  
碁獻琛奉珥入我皇畿丹穴赤土黑齒黃支交趾古城  
暹羅麻羅真臘伽臘佛囉毘囉發拔勿拔登流墮河阿  
陵大食佛齊閼婆乃有求貸之賈懷寶之夫出絕域入  
異都遊鬼國泛山居出沒於魚龍之窟來往於陽侯之  
區望北極之宿遵指南之車經數年而未反烏知浩蕩

之所如亦有韜光之士晦跡之儔或隨任公之釣或礪  
簷何之鉤既揭帆而鼓楫乃浩歌而叩舷得一樂而自  
適終天趣以忘憂吾於是歷炎州之沸水上長洲之青  
丘過流火而弗息入紫瓊以遨遊召衆仙而作樂兮瀉  
玉漿以為醪採紫芝以為糧兮裁火浣以為裘命雲師  
而再駕兮適赤水之悠悠上崑崙之頂兮視天下之衆  
流信南海為大兮無匹無儔歌曰夏王掘注任苦辛周  
王德洽海無漣處置得宜動天地海嶽效靈豈無因黃

龍橫波終無益白鷗沈水空沾臆事變物移乃自為山  
海豈能助人力厓山千古有忠魂呂嘉逆命更誰論流  
芳遺臭今何在舉目惟有餘波存安期飛昇不復返紫  
雲白鶴一何遠乘風破浪待何人且作遊仙入天關重  
曰人物涵育澤濃濃魚龍出沒勢洶洶桑田欲變果何  
時地久天長只如斯東海雖大兮精衛含悲西海既遠  
兮弱水難支曷若南海兮為天地之池

海若賦

明

洪翼聖



神禹氏錫玄龜之歲河伯淮侯江婁漢陰丈人同朝海  
若各爭長淮侯歌曰余瀉桐柏兮洋洋會泗沂兮湯湯  
枕豫控潁而漾維揚兮滔天蹴日之茫茫余應長漢陰  
丈人歌曰余發嶓冢兮汨東流過大別兮亘神州南迤  
會而匯彭蠡兮滴汗瀟湘之浮浮余應長江婁則歌曰  
余分井宿出岷山兮瞿唐險絕壁雄關兮過洞庭而蕩  
金陵天塹渺沔之迴環兮余應長河伯則歌曰余從天  
上來兮事經積石回兮巨靈轟轟秦關開兮千年一清

聖人惟兮變幻沸潰山可侈而嶽可頽兮余應長日出  
而爭至亭午弗決河伯曰盍決諸海若於是順風而趨  
蒲伏再拜而詢海若曰四子爭長請決諸海若驟然而  
咤曰噫何若輩之自多也亦知余乎歌曰歸墟廓兮納  
百川地輪麗兮天門連出日入月兮八紘穿海童天吳  
兮靈變陽冰陰火兮絕然鮫人綃室兮消泐長鯨奮鬣  
兮刺天蓬萊五山數萬里巨鼇負焉奚啻乎石之一卷  
其他裸人之國黑齒之方軒轅千歲之野汪氏跨海之

鄉鍾山燭龍之閃閃建木若華之蒼蒼莫不島接而波  
擁芻芻以忽荒然余竊謂天地之在空中無異籠鳥余  
在天地中藐乎至小觀大壑而知巨浸之細觀無形而  
知有形之微余方驚心於溷濶而却步於夷希若輩胡  
為乎爭長而耀輝於是河伯淮侯江婁漢陰丈人惘然  
失容悞墨稱謝相與望洋而歌歌曰道生虛廓兮無漢  
垠天墜襲精兮莽莘莘返無始兮化紛綸劃然而遐眺  
兮解號呿

南海廟賦

明 鍾夏嵩

歲閏逢之貞吉簡元辰以東馳蹟扶胥之隘道仰閼宮  
乎歸熾經牛女而分域鎮百越以封基隄巨靈之巽嶺  
貫長虹以蛟蛇通凌競之間闔迴髣髴乎咸池路龍矚  
而如砥菀芳瑞之苓麗濯滄溟之灝漭挹曦赫於岵夷  
雲霓飄以遠結隱樛櫨而陸離全躡踵以緩步歛矚睇  
而中疑類神輸與鬼作叢幻化之瑰奇吁可畏哉其駭  
人也爾乃登高瞻眺堽垣嶺徼拱揖密崑崙崩劣嶽嶽參

聿律萃塘嶙嶮嶢嶢岵岵磅礴霄漢蔽虧日月不雪  
以瀨負暄而烈徑淩移而嘈囂峻嵌巖乎陂陀行沃壤  
於奧藪下培塿以重邁蒨卉木以樵唯紛霍靡其森羅  
神芝嘉穀靈葩丹藥垂條芘虎燎薤猗難梗枏楓梓波  
羅橘荔之屬樾幹而楸柯累章積仞合抱連緺瀏莅卉  
吸陵谷駸駸聞谿舂之飄聲儵廩廩其眩吼中有玄豹  
文彪勁蠓飛鷗山瀾野漫天矯轟厖又訝乎蜩蛎之跼  
蹐夔魑之傀傀蟄蛰麋麋之羣鶴鸞鸞鷺鷺之醜舉儻俟

而舛徊觀於海者浸涵天地漱濫江漢潄渠播瀉潏洌  
混瀚濶漭漭漭漭濤瀨激渙吐納呼吸潮汐汧汧淙尾閭  
以奔溜泊埏垓而漫漶氣滄滄以霧綴波接天而疑岸  
經乎決漭之塋通乎蓬瀛之漾泛之無涯察之無象鱣  
鰻鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓  
虎蛟難以殫形千態萬狀鯢鮓鮓鮓鮓鮓鮓鮓鮓鮓鮓鮓鮓  
鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓  
鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓  
賊蜺車渠蛟人之綃淵客之珠爛陸熒巖麗川沃瀟旁

唐玓璫崔錯披粵乃若獬廌颺浪瞳矓掩光瀟澹泌澌  
砢礧潰滂霾繚溢谷馬騶霆颺霜舄瘡劓其登翫天吳奮  
乎周章水怪百出山靈盡翔乃徐觀乎狡獸之恐懼與  
輕禽之頡頏汰寥既清鴻濛式廓慶霽氛氲渤澥融爚  
扶桑驟暉崦嵫碧焬蟪房如厓蜃嘘如閭見喬山之帝  
都望仙子於廣莫飲沆瀣以永年拂馘灑而姍嫋終曠  
荒以長盱鄙前王之臆度羗重譯以祝聖偉丹鳥乎來  
儀搏羊角而鵬化瑞龍門之躩踞梁天潢以邇極溘霤

煜而飈蜚茲所以睚眦皇皇蒸蒸如也爾乃歷玄墳頻  
朱宇臨層殿闢閭戶乍陰乍陽若瑤若瑤輻輳軼軼  
黼黻水泉之所表正土圭之所測序著卜之所辨機  
離輸之所營慮下剝施以縝紛上龍嵒而旁午赫璀璨  
以迷眸流蚴蜥而延佇被椒桂以苾芬響琤琮其鳴堵  
噲正橫虹而糾霓噦奧凝嵐以結霧藻稅之翹翹璇璣  
之撫撫文楹之玼玼繪軒之訐訐挾振金碧以璽瓏甍  
腹丹堊而騰翬穹窿窈窕以窅窅蠖濩蝓蛸乎容與斗



宿施於上榮光燭天而列炬殷雷應其鏗錡怪銅輦之  
在虞忽縹緲以來窺森鬼神之攸芋履欖槍拳長離走  
屏翳撫馮夷靈霍擊靈飛廉獻颺燭龍風熾織阿盱眙  
肆靈媧之鼓舞列商皇乎踵隨械厲魑於山麓溺旱魃  
於滌澌信王威之顯灼害衆變之披離朝吾行於暘嶼  
求韓蘓乎故碑詠清風以曠興訪古哲而諏咨認先公  
之手墨追遐軌之不羈擬扁舟之逸約陟羅浮之歛巖  
冲予衷其感慨悲昔是而今非春與秋其代序指長天

以為期又遊覽乎貞珉之華藻與百禩之章儀徵前言  
之洽識維蠲德以昭禋肇徽號之既正質冲漠以無疑  
練禴祠之淑旦禮壬林乎孔時奏嚴鼓以闐鞀齊象服  
之攸宜播祥煙之醺醑鏘珮玉以歲蕤登降獻其明潔  
鑠褫覆乎如茨酥雨暘以玄化物阜滋乎丕丕殿濱隅  
以永輦休邦國於允釐矧皇衷之虔格禱麟趾於昌期  
神歆馨以配命感協氣乎清夷紹前星之炳耀襲寶祚  
以重熙建乾坤之禎兆據六經以登辭鴻典錫以報貺

澤淩涌而參漓兮，嚮漫乎洋溢。靈浸徹乎幽微，亘宇宙以彌極。與大明而長祗，維仙岑之奧宅。曰祝融之所司，彼廟貌之矗鬱。豈徒壯海山之繪締而已哉？復系以歌曰：礪砮矧踞鼇極兮，嶺嶢峴嶙水滙泐兮。三精炯靈葆神宮兮，湛恩汪濊涵冲融兮。蔚紫葱靄，霍霍兮參玄肇化機，潛沕兮肅肅敷敷。龍駕遊兮，磴磴翼翼景物鳩兮。儲祥汪祐福南土兮，嘉禋禮虔餘慶溥兮。鏗鏘樂石，滌瀟芳兮。手披雲漢，握瑤璜兮。

大江賦

明 薛章憲

渺大江之西來浩百川之東走  
蜺蜺蜿蜺蛟蚪蚴糾源  
發於蛾眉匯會於峴首沃遙天  
兮欲浮劃大地兮若剖  
夾石碣兮趨溟渤揚左蠡兮  
灌澤數始生於一終成於  
九三峽倒兮呂梁縣百川灌  
兮泰山溜突兀駕空兮巨  
靈奩履鏗訇觸石兮長鯨哮  
吼三百其名三千其支起  
於濫觴入於漏卮如諸侯會  
同不愆於儀如萬馬奔軼  
不失其馳過九河兮傲海若  
冠四瀆兮侶馮夷西至下

雋東為中江轉地軸拍天杠汨混沌壓鴻龐醜為陂池  
怒為濤瀧隨月盈縮鎮日琤淙瀾漫澎湃震撼擊撞鐵  
騎嘽嘽金鼓擬擬恣睢而益驕氣偃蹇而未降叢爾  
吾土截然居中式迺其歸獨當其衝高墉屹兮如雲長  
堤偃兮如虹旣攬其角而掎其足亦扼其吭而搥其胸  
我有餘守敵莫能攻於是解甲迺運投戈雍容然後洪  
舸餘艘巨艦艨艟轉輸絡繹貿遷通融駕萬斛兮南北  
候五兩兮西東往來隨風倏忽轉電長年謳歌黃頭舞

昨日五彩兮鎔金月一色兮如練南控甌閩西通淮甸  
百貨盆集千艘魚貫故夫家樂業民安居操奇贏以懋  
遷擅沃饒而蓄畬市三倍而利近畝一鍾而羨餘賁川  
通以埒封貨山積以儲胥陸處棟宇水行舳艫燕中唐  
兮陳趙舞棹中流兮發吳歛粵有美人湛然清臚仰視  
飛鳥俯翫遊魚臨清流以徜徉凌倒影而踟躕慨宇宙  
之寥廓悵日月之居諸乃歌曰川之渟泓思復吾本然  
之明川之淨虛思去吾舊染之汚如曾點言志曰浴乎

沂子在川上曰逝者如斯夫苟徒知翫物而適情又何  
異乎淘河與離渠

一江賦

明  
祝允明

伊斯江之為物也渾頌決漭虹潰滉濇瀼瀼以狂瀆  
滅瀾瀾以為淙溜澎湃溟漫而彭滂浩浩湯湯汪汪  
洋洋漭兮青蒼漭兮迷茫廓兮而康寔吐日吞月漸玄  
漬黃蓋自堪輿之開闢化機之翕張條帝絛源鑿混沌  
以利涉昊天設險畀聖明而為防是以蕩五嶺漂三湘

帶吳楚襟荆揚拍蓮掌滋扶桑會地脈兮連天潢決兩  
儀兮洽八荒兼三才而共濟東一統之華邦信矣天塹  
雄哉谷王所謂祖百川而父五湖弟四海而兄三江者  
歟觀其千古之有常五彩之時彰金焦相銜乎舳艫煙  
霞互織乎帆檣或扇以颺颺則雷霆忽助其震盪或媚  
以晴旭則金碧緩搖其景光或微生漸而冰花雪蕊激  
庶品之神爽或淨如練而天經地緯開萬世之文章容  
成袖手以廢歷豎亥趺足於窮疆璿璣玉衡雖虞廷之



儀欲測和鈞闕石計夏府之器難量涵泳四靈神出而  
鬼汙沈浸萬象龜游而龍驤玄妃往來採明珠而拾翠  
羽法駕上下乘清風而御陰陽至矣乎微妙理於蠶絲  
諒託始於濫觴若夫蛟窟散處龍宮深構瑤房九重貝  
闕雙轆水精之柱駢立火齊之丸鱗覆懸珠作燭梁飛  
萬萬之月團絡寶為簾簷走千千之星宿其下則有瑪  
瑙碑礫琉璃珊瑚決銀汞以成池築璵璠而為區五金  
夜發競光華以呈乾后萬珍日產如沙礫之走坤輿其

上則有彌天作帷極地為載遙岑輕抹卿雲微帶月蛾  
臨鏡以修着天女沐鬟而勻黛齊州回繞斑斑九點之  
紫煙仙府平臨朶朶三霄之翠蓋其中則有鰓鯉鱗鱗  
玉柱銀珰河伯導旗海客寄綃風從吹浪之江豚雷應  
鏗鐘之蒲牢義和鎔金沸洪爐之袞袞馮夷翦雪翻銀  
海以滔滔其傍則有蘆洲戰煙牙樯插天蓑笠鳥道燈  
火漁船風凝軟沙而鷺立雨浥厚莎而鷗眠福地洞天  
巢鸞鶴以遐峙萍花荇葉映鷗鷺而淪漣至於龍堂曉

雲僧艇暮月善才之石砥定毘盧之閣嵒嶸郭賦鳴萬  
夫之喙陸泉激千人之舌物遇之而拔凡品入鍾之而  
為世傑邦家倚之而治忽古今由之以興滅傳諸圖經  
登在國牒灝灝漾漾未遑暇以殫說也若稽使君於斯  
奚取我契其大才學志度是故語其才也如江之波東  
底瀛壺西起岷峨盛瑤花兮沓沓爍雪山兮峨峨飛濤  
濺空兮瀆千堆之沫驚湍擊地兮旋無底之渦撼紫皇  
之寶宮倒織女之銀河無遠不至跬步數州之域有重

必載鴻毛萬斛之艤轟轟乎霹怒霆而迅驚電擾擾乎  
舞蚪蜃而飛黿鼉通四夷之歸王象貝文犀湧梯航而  
霧涵入九壑之貢賦錦衣玉食紛帆席以雲摩濟天下  
今往來又豈俟於盈科語其學也如江之濶書名淮東  
之院堂有富文之顏細摹綈聯梓雕銅刊六籍昉奠百  
家周完富誇牛腰之軸勤助熊膽之丸口誦手校左墨  
右丹騰萬口於千載據尺几而一觀若乃擬其志高惟  
江有潮突乎其豪漉乎其遙萬流秋毫千深斗筭莫不

障而東之以會同而來朝垓北初分即稱其拔萃汝漢  
既決誰得而溷淆懷子胥之孤忠與伯若而為僚四瀆  
首推其廣大六合咸讓其并包方其度洪惟江有容元  
氣流通乾坤混融衡截海內平分域中際天淵於不二  
齊物我於大同引重致遠通其變於不息含垢藏疾淨  
諸有於太沖高以下基當其無有有之用滿而不溢天  
下莫與汝爭功大抵陳事之方有通有會放之彌者收  
必密極其細者生乎大如其大而不約恐華談之已泰

故觀江之說則疑其過夸審一之理乃識其非汰交助  
互益非人奚待嘗試問於江靈察川勲之攸在是故符  
堅翫之而狼戾江總恃之而顛沛壯從擊楫之祖生奇  
賞燒舸之黃蓋三國鼎睨六朝遞代水無變於安危人  
每異其利害其故何也誠以天謨地烈積久無託繇繇  
延延數千百年必至於我皇祖而始得其真宰也觀其  
發祥於始蒙六飛之首渡創業於成遂九重之斯屆煌  
煌漢闕日照而月臨蕩蕩堯衢乾覆而坤載然後華夷

一統長通道於安流河漢九霄恒效靈於上界而有如  
使君者又復沐浴恩波漸濡天瀨握提巡之專節守信  
誓之若帶志業浹內聲名溢外尚亦防之有法而備之  
無懈俾外者無窮而內者不息息揚波而清水怪盪天  
驕兮淨紫塞甲兵洗兮玄圭拜旌功進爵加祿賚家流  
國澤並汪濊一江晏然世永賴斯名稱情乃無愧賦而  
揚之載采采

御定歷代賦彙補遺卷三



欽定四庫全書

御定歷代賦彙補遺卷四

地理

虹江賦

明  
馬一龍

客有誦虹江之勝者孟河子進而語之客是勝夫不勝不知也妖蟲蝕氣以絢天陰青薄空而暈日箕津竅發於帡幪逝者如斯而不息繁霞會紉引圓羅而魄營湛露滂精決沆瀣而閭洩蕩無涯以振河海伏光景而混

朝夕相與簸歟麾戢震鼓雉雉騰蛟姁舞幻化難於具  
陳而戴盆以資談府客曰願聞其說啟我聾聵噫天下  
之勝莫妙於無不足然天下之求勝者實則眩惑於其  
目昭昭之明散為三光涓涓之滴積為四瀆撐黎結幕  
於楚臺之陽流沫合襟於孔林之麓彼或取爾相尚以  
為芳族則亦晶晶嶸嶸天光下燭空明鬱勃擁黛沈玉  
激鯤鵬之飛淙挂蠶肆於森木閉寒月於禹門盼恒沙  
於捐毒洗湘筠之遺痕追華渚之往躅客曰然吁天地

之間僥乎萬物目之所見唯形與色苟循其轍則上焉者星辰常如綴旒日月有時合璧風雲雷電雨露霜雪盈太虛中皆其顯仁而著跡及乎下焉靜鎮者為山動适者為水草木敷榮昆禽煦嫗類聚而羣分之何者非吾身之所容與故脫精於近小而大觀遠寰宇乃能放五形於五嶽不屑屑局守於一隅耳夫形色之不可為名稱怪怪奇奇莫非鴻冶玄陶范化而精凝摩盪於二氣雜揉於五行東西窮日月之出沒南北極天地之降

升其間融結為勝鬼神不得通機絨丹青無以施技能  
吾試言之而熟聽之可乎客曰可嗟夫虹霓麗天江河  
行地知天地之情狀則知天地與我皆為一氣矣物多  
障於目見而道必由於心契不然天高地厚廣漠無際  
觀一物而窒乎神化之自然或昧化工而不通造物之  
量劑又孰知乎刻鏤籠鬱歲劃堪輿崑崙泰華之墟發  
而為神州赤縣大帝攸居衣冠文物之盛視金玉皆為  
土苴寶殿瓊樓何天之衢岳峙川渟形勝莫踰此天造

地設縱之為都會之區尊不可擬卑莫敢渝又其次也  
金谷繁華習池富貴亦極一時之侈靡然反道背德適  
為身累故君子不以為美而雙秀蛾眉九曲武夷孤山  
矮屋桐江長絲或又不免避世離羣肥遯膏屯其與深  
匿桃花之源長嘯天台之門暴殄天命而潔身亂倫賢  
者不足與為謀在有道之世非今日之所樂聞固莫誕  
於神仙之說極其窈冥以為弱水三萬里外有萬丈蓬  
瀛紫翠煥乎玄間巍然宮闕之蔥蒨不祇隋珠趙璧以

問黃金白銀真人之所止常園腴下土垂涎腐鼠之餘  
餒若華陽終南鑑湖玉井豹瀆虎溪昆明畫省凡名勝  
之等於虹江者衆列十洲使必罄目力之所至安得霧  
駕星馳飄飄乎雲臥而天遊耶或能囊括宇宙盡大千  
世界可以肺腑收之則納天地於一芥子之中言亦匪  
謬客知盤古氏之王天下乎其既也展尺寸之膚為元  
包懸兩目之睛為日月胃流而海瀾骨聳而山立陽和  
暢其性情一怒而為霹靂驕骀之末而發萬物之胚胎

呼吸之微而動兩儀之闔闔蓋人身小天地而萬物皆  
備於我會元化於吾心取之無不足不必求諸方寸之  
外與形色並逐客乃咤然不應孟河子又進而語之客  
是不勝夫勝不知也虹江之上吾友有劉子元者知道  
之士執此以相質彼必躍然起思洞悟物我之形以予  
言為是將令其氣吐為虹霓人皆仰視而膏澤下流天  
下並受其賜名勝不在虹江實勝者足以垂斯名於百  
世

河賦

有序

明俞安期

往余嘗浮淮歷黃河之委茲既經盟津觀砥柱率流金城渡河關積石數與河遇則心怦怦若有感焉夫九有水莫長於河故列之四瀆特號為宗然江有郭弘農賦亦旣彬彬侈言之由漢以來未有沿委討源總攬萬殊收歷代之遺文畢體物之能事以及於河者有之自應成亦寥寂未備焉然河在中國所至利害彼此叅殊越在上游特稱有利而無害秦地以下或利多於害或



利害相參方今泗沛間漂民廬驚陵寢其為害特甚則亦曩策之未完善抑豈河之罪哉不量寡率遂舍毫賦之極其源委以頌河之德且折衷近者議治之異同焉其辭曰

維河流之靈稱肇億禩而不忒經流別之為宗萬水崇之為伯逮禹功之所加既經矚而可悉粵重源之載導復冒流於積石開隴西之上游徑金城而東出翼賀蘭以包朔方並陰山而望高闕左拂雲中雷首右薄太華

二嶠循平陸而北轉乎鮪渚遵洛汭而東抵乎成臯由是捐故瀆而不返指宛丘以捷馳擅淮濟之所道並委輸於朝夕之池昔之播九以同於碣石為逆而瀉於東齊者已中枯而成陸或分岐而背趨矣其來同者有洮兼大夏湟引閼門高平芒于奢延湍汾渭涇洛伊汝潁汴睢又附之而俱達者概不可以殫稽蓋四瀆之流總其三九州之水領其七咸千里而一折乃九折於中國其水則渾渾湑湑洧洧淩淩滎滎以凝滯汨黃濁而

湓渠不藉颺而騰波詎涅蘖而成色及其下桃花之新  
漲溢竹箭之疾流浩混養而高出濺輒湧而橫浮隄齧  
之而善崩山懷之而欲度奚兩涯之可測尚復致辨乎  
馬牛至若越呂梁潰龍門觸砥柱下集津阨嶮巖束嶙  
峴莫不洶湧澎湃濶滄漭洶濤瀾激奔溜下垂若瀑  
布之高曳駢波上躍若雪巖之雄峙飛沫類澍雨之四  
垂振聲又疾雷之薦至搖撼山嶽動盪天地聞之者改  
聽觀之者魄悸伏飛犯之喪其勇樗里遭之失其智漆



白鷺鸕鷀鰭鯉朱目之鴈赤尾之鳬春鉏影纓涸澤垂  
胡當扈以髯而奮體白鵝以視而孕雛陽鳥往還而旅  
處鷓鴣沈浮而托居鷦鷯互舉喧聒相呼要羣而集引  
子而哺巧歷不能以乘計司虞不能以目書其下又有  
青璣白珠藻瑤舌玉曾青菰石櫨丹碧綠浮磬羽磬文  
礪玄礪或流自他山或產於深澳觀水折之圓方察精  
氣之隱燭知寶藏之所興驗珍錯之所伏其天子之秘  
寶咸載之於河圖金膏燭銀玉果璿珠是河宗氏之司

衛非庸人所得而闕闢其神則河精巨靈陽侯馮夷黑  
公之從趙見吾老來告堯期或興兩蛟而挾舟或駕兩  
龍而負轅或化星而入昴或授圖而還淵或玉牘遺於  
滑次或掌跡寄於山顛稽歷代之禮祀其備物之或殊  
或刑正牲而沈白馬或射玄貉而獵白狐多縈玉之圭  
璧及紺蓋之輿車若夫王澤寢銷君人失德徵廢則徙  
移表亡則竭絕澤枯則山石崩壅陰盛則陵阜漂沒戰  
國壅防以五分商都五圯而淪入鄰國上灌而為壑人

民下恨而波赤至於帝王聿興聖人將出則榮光以之  
錯起休氣以之四塞潤至於九里清變而五色川后為  
之貢珍水祇為之效職有若庖犧之卦畫軒后之綠圖  
放勳受圖而作記重華剖檢而得符負之以神馬挺之  
以龍魚折溜而至澆水而去金繩者泥紫蘭采者文朱  
寧靳乎靈府之闕貺孰不及期而來輸又若周有白魚  
之入舟赤鳥之流火玉龜之呈識晉年黃龍之見於光  
武告世運之將興著祥瑞之契應而臚列典章者亦不

勝侈其休慶蓋藏往以察來亦知微而知彰通神明之  
懿美目德水其克當獨昉稱乎嬴氏雖允臧而弗揚喟  
時代之沿革慨昔人之遺跡誓功者表其如帶階圖者  
載其分域晉君赴哭而遂流武帝興歌而遂室弘農化  
而猛虎渡漢宣濟而神鱗出尚父之號蒼兕太尉之殪  
青虯葛玄使魚而吐書秦伯濟師而焚舟趙決之為却  
魏之策羸引之為滅魏之謀申徒負石以自沈方叔抱  
樂而赴溺古治救驂而斃黿子羽斬蛟而棄璧金人捧



劍於水心女娟揚聲於河激濟嘉君子之名渡賜寶門  
之鬻宋女詠一葦之杭孟津嗟捧土之塞伯鯨堙之而  
竊息壤女媧止之而畫蘆灰延世使隄東郡而豐賚延  
平奏決胡中而太奇王尊刻水神而患息江使還余且  
而禍罹緯蕭子探珠於驪嶺商丘開得珠於滄隈復有  
金狄之所沈木罌之所渡宣尼臨之而不濟魏侯浮之  
而稱固亡人投偃壁而結誓纂夫沈周寶而邀祐諸雖  
美刺之有間咸傳牒牘而昭著其塙有毆脫之地斥鹵

之墟分以萬洫激以千渠溉糞兼資黍稷載敷變堯堉  
之瘠壤為晦鐘之上腴雲雨以之蕩出垢濁藉之滌除  
泛千艦以遠達通萬國之貢輸限戎翟於荒外若夷夏  
之分區興衆利而不匱設重險而有孚宜先王之典禮  
復比秩於諸侯於是集周穆之征紀夏后之荒經漢儒  
之載乘酈氏之所稱法顯之所歷騫英之所尋且攷濫  
觴之所在咸云自崑崙之靈墟本神泉之顥質發東北  
之一隅下夫中極之淵逮於河北之都劃凌門穿陽紆

絕霸賓之國略皮山之居穿葱嶺以再發分于闐以並  
趨包且末牢蘭之所聚喻龜茲疏勒之所儲盤迴於荒  
服者三十由旬乃會三源而來瀦至於泐澤海曰蒲昌  
又潛行十有餘里始及乎中國之西疆後使者薛氏之  
所訪云得之悶磨之岡而勝國之佩金虎符者復云自  
星宿之中央謂越遐而遺邇譏前記之荒唐竊意夫河  
源之遙集二重源以伏流悉前哲之所諦咸條疏而同  
途而後來之異軌是狃於積石之受誣彼覲夫顯行者

之即是而於伏者之為虛若然者其經見萬里而匯於  
朐焉之泐澤者豈自有沃焦而為歸墟况稱有電轉隱  
淪之跡茲非冒出之驗歟夫天一之潤下惟四瀆之為  
經歷桐栢而淮出及王屋而濟興江溯之以為永亦僅  
止乎蜀岷探茲源以及委貫方輿之兩端首西極而尾  
乎東極上應雲漢之竟天周祭雖並列乎瀆秦郡亦參  
稱乎川爰揭衆流以絜校夫孰與之而配焉歷觀往昔  
利害之所由深慨夫今時之所治不察夫常變之宜以

極會通之致夫彼一石之濁流兼六斗之泥滓緩行則  
為之分滯急疾乃為之並駛放乎海澨而成壤又梗夫  
尾閭之所委其控清以引濁亦非曩者之失謀獨兼三  
瀆於枝淮曾弗災異之為憂豈容使一衣帶之廣克任  
夫七州之洑流不經本而障末難乎圖遠之鴻猷獨不  
見夫乘四載者之疏導鑿上流而行乎高地度迅悍之  
怒湍非弱土之能載恐一川之不勝濬九道以分殺虞  
暴溢之為菑委曠土以儲侍自玄圭之告成閱千春而

罔害後乃淤故道而不脩并屯氏而偕廢即災祚置重  
使而隄防捐億萬之歲費竭薪石而徒勞亦屢塞而屢  
敗此已然之效曷不繼神聖之上計併賈讓之首策猶  
可備采於近世顧泥古者拘拘舊跡守經者安於小利  
司農惜少府之藏司土重膏沃之棄其孰肯建非常之  
弘業而以天下為吾事遂終無不拔之訐謨是豈河馬  
之為崇耶亂曰出自夷服利中邦兮任坎之勞澤無方  
兮與能蓄祥德神明兮祭先江海王禮臧兮人謀允穀

世罔殃兮君德之脩慶無央兮

太湖賦

明  
夏允彝

惟陰陽之殊誕浩澤寫乎東南浮大荒而廣滉洄萬派  
之澎湃會流宗以來朝盡斯區乎沈涵漶紘紐而滴勢  
潰維紀以澄潭爾其為大也泡泡瀨瀨絕倪冥至濛濛  
芟芟平天沒渚羣壑凜赴熒溶淫裔櫓吳縈越控涓弁  
巨膠瀉迺雷磕雲响寥長風以嘯波倒星辰其下麗  
流瀉瀉其日頽杳莫濫乎其滢際固已缶甄青草盆盎

明聖宮亭非儼雲夢失競其西北則百瀆星涌江流霆  
輶洑淥淥其縞接互追躐而緯經白鶴橫翔五雲溢瀨  
蓮花朋爛珥練繩繩孟津平原長廣泓澄又若謝分南  
北蟲壇西東九溪二過慈道梁從赤城黃土西湛東瀉  
咸溪溪而灘灘輸荆曷而匯厥中其西南則天目之派  
疾輪激軸漱野滌荒或澌澹之潦滴或騰暴之濤龍險  
潭渤其陰餘不潛其陽紫碧滂瀆潏潏翩颺龍湖鳳渚  
郛蒲臯塘邸閣晷畫梅玉流香青姥容裔碧浪滄涼泛



乎決渚之濱穿乎洲淤之鄉澌澌洗洗不可得而殫列  
咸指苦害而騰驤迄乎斯隅湛湛乎瀉瀉乎呶呀淪溷  
而靡羨溢乎其疆于是修澱巨泖連溶雜瀨申浦笠澤  
濯漉演泮百川疏流輸之溟解清泚延迤淡漫費費觸  
山飛沫連雲布靄浥激嵯崩潏旋坤駭若乃若丹宣義  
颺厲發颺隆頽感墜澆復肆揆魏檣四斷鯤龍鬱勿翔  
翻墮穹丘汨遙天濕高樹沒蕩滴潏澤搖岫相擊日輪  
漂磕地緯拆裂禹强暴沸於瀛寰感衡撻之雄聲乃回

轡而東矚警壯勢之旬旬謂余其將伯仲醴流濺而永  
醒又若霽收霽霽素娥遊空波濛濛其沸日光泣泣而  
連灑上下潏涌煜靡定睽潭沲練合長鑒晶漚滉莫測  
其所屆徒澹淡於濛鴻若乃陽烏照彩遙山吐狀參差  
岌岌寄浮乎滄莽崇阜攢天歲碑俯仰其閼鄒也三萬六  
千其涵濞也七十餘二則有縹緲之峰天虧日蔽上疑  
巖而盪胸下搖艤而絕倪攬三吳其几席鬱連天其蒼  
輒其遠勢之周絡則夷峻脩坂綺寮層巒魏踈合沓而

非日月之能巡詣厥名林屋是有俏嶺千重精蘭十八  
洵密巖而鮮次又若石公岌裏龍頭輒劣金鐸雷隱渚  
渡瓊澀殆神靈之所鑒燐不可得而究測又有莫釐之  
山萃嶁嶽嶽跨東西以踦踞若巨鼇之仰首而遐尋誕  
虎攸而幽繆爰扈蔚之連岑照乎彩栢藻梲之帶壑而  
冠峰爛乎其朱榮紫莖覆重崗而依青瀾若靈源翠峰  
之戢晉繇百階而矚大包髣髴與桃花之塢消夏之灣  
互縈帶而衽襟其支則有靈龜偃蹇元龜顛顛禹期之

琮壁流煥二椒之戈鋌息恣陰山掩曖其玄露葉嶺披  
離而春翳孤驚束味而高栖駭馬沂淪而益駛又有長  
沙橫漫厥澤衝垓莽與亭兮叢夢望夫君兮渺涯於菟  
馴兮藜萊昌刀貝七兮臆丘崖矜雙貢之若翼旣巨垂  
而幼拱何二雷之參商乃方霽而斯靈又若三峰五石  
玉柱金庭雙岷遙屹長瞳浮青若管若矢弱振籃驚猶  
甃同穴琴杵交瑩石蛇吞象者八九謝姑窈窕而清英  
首奚顙兮耳奚歷牛飲傳兮鼉鼓轟爰峙三山亦崇二

嶽白浮前殿牌穹大罽烏南北而齊翼竹大小而叢筍  
陶朱氏所垂緡干比直而峭削或問津而濟余紹王舍  
其彌确斯皆嶠巖斬嶠嶠岳岳明神之奧區自浩渺  
而副數夏而瞰之燼燼其猶翮兮若羣龍之翔附於天  
也頽而覲之千巖萬嶠若矛劍攢列駢森而流燭是產  
璇樞之精衣丹液充厥種十一軼駕區中黃柑綠橙綠  
芬逆風巨杏若掌枇杷空中楊梅繡壑來禽綺籠玄光  
十號楔荆三種銀杏百仞覆谷排嵩塗林均碩南居埒

穠綬華絳霰乾稊繁榮照霞雲日蒙隰綠崆又若木爰  
累而千章卉蕭蔘而粹組珍植璘幽其叢生葩華蕤散  
而掩浦灌林葱蒨琳瑯布扈于是瓊禽誕獸棲戢其間  
不可得而咸譜麋鹿囿虞虞神髴點戲斬胡魁魃勒憐勞  
但纓父狄雖隸貍獬傲婉闕洩虎獠渡曉越岸穿蔽艸芾  
懸騰壑澗鵲鵲鵲背竈鴈鷗盧休鷗鷗鷗鷗鷗鷗鷗鷗  
鷗鷗鷗飛女城旦伯趙戴絳伏翼鴉鳴翠膺藻臆緋眇  
翕散翊翊鳴嘒嚶吟莫辨又若祝馴林屋迄鮮東教雉

守胥峰荒靡西簋又幽靈之所昂別非人力之能羈囹  
爾乃怒滴之所硤濶盤濶之所涵錯靡隈不泐延崖畢  
崿則有瑩於珪璋變于抵殼虎踞龍拏虬飛鳳攬岩洞  
嵌空豁鈇挑峭蟠巖重巖單棧綿絡磷礪煜霍鬱鬱劫  
却霧欲雷歛雲封鮮駁蜂房簞篆塹塹矩矱霍霍對嶸香  
幻誕靡度是以梁王之苑樊川之園萬金懸構千夫競  
擗情懷截薛輪困便嫗層巒曲嶂含雲畜煙稠巖讀夏  
獨嶠孤騫崑崙三重二肴九阪曾農足以方焉于是巨

僧國賈飛舸編屨凌僑怪遴姸媾踐驚波蹈條濛穿遙  
裔窮素覆駢田弮薈所臻踊驟盪鏐飯洗狼隄夜艱珊  
瑚玻瓈瑤瑋瓊瑤瑤球瓊玫瑰碑礫鏐鏐之屬罔不飄飄  
泔泔湧涌而輻輳又有没人漁子飯魚家水苦冒巢罩  
根猗筍簞鐵湛組浮蕪流滬止災膚沈淵舴舺連艤竹  
戛鏃射藥醒靡悔漂蜚煙布洄智殫杖屨素馬悃鳴鼓  
聚市則有鰓鮒鯉鯢鯢鯢鯢鯢鯢鯢鯢鯢鯢鯢鯢鯢鯢  
白若脂鎔銀液魚鰕若刀若鏃神魴鴻鰭文鯢翔夜強微



激漩沈虎洄鹿幽磬荒眩鈎致而出同眾合筌又有柔  
甲之解若被文犀膾餘而逝如餌靈仙或駢節而銚尾  
或錦理而縠斑漣漣喁沫靈靈嗟啁顯震谷流睽晃  
淵叢貫璨錯噴藻連潺顙連伋兮骨專車鱗吞艘兮鬣  
刺天類奧府之閔怪非劇畧之所求焉若乃園涯巾壤  
溝塍綺紛膺膺平遙變膏漬津龍尾桔槔恒升玉衡輪  
水激逆激激潏潏灌注原隰漂吟溢留液成濃腴不雨  
恒醇殊莖協穗旅穀嘉粍青芊赤穰繽紛隱弁畝值一

金頃充百困斯寓內之奇沃異江皋而河瀕乃有夸奢  
之豪詵逸之客練嘉辰盪沈怒揚輕艫駕魏舶樓船凌  
雲鷁首驅戴錦帆飄曳飛輪擊楫躡珠佩瓊士女嫺哲  
素綈錦冰縑繒織銀口黃耳文几重席然脂烹玉殽  
旅盈積鼓瑟吹竽流觴飛白幼眇之音角抵之戲奕射  
壺博麗儻閑謔咸指湖濱而絡繹於時晴雲解駁五兩  
徹吟平波纖縠泓秀華津芙蓉荷曼綵繁藻紛琴芬芳掩  
靄而連渚秀榮灼爍而揜潯馮欄啓幌蕩魄搖心回棹

穹窿之側停舫溫圖之陰昇猶桃熒烏鉢雲沈濟天平  
而拭鑑賊胥口而壯吟拂杳山之遺馥拾夷光之墮簪  
爾乃丞苞肥負藪遁藏亡植竿揚颿盜弄櫓槍露潤蹠  
踔上下翺翔封豕竄竄千百跳踉豈忽靡蹤其所之徒  
聞壯瀧之淙淙於是簡專諸之裔繕下瀨之良彎落月  
冶干將較鵠鵠飛舩艘凌驚颿驟鴻亡鷹麟鶚睨矯矯  
龍翔飛矢回濤長呼裂罔賈其餘怒猶能騎熊羆而肉  
虎豹何有黑山之逋魄潢池之怒螳旣波清而濤晏永

沛沛而洋洋彼高人之樂饑志汗漫其徜徉或尋盟於  
遂初或藏弓於烏盡挾少娃於靈槎侶龜鼉而永遁脰  
波光之森清坐盤石之硃硃日斜雲黛夜復風澄淩波  
長嘯拂石鳴琴遊魚唼集鮫人起聽俄而濤濤頌洞惘  
慌旋濛欲窮混而鼓枻懼蕩寅而汨絃是以方壺圓嶠  
之逸侶蓬萊方丈之仙靈時乘風以遙集感漫羨以遐  
征然徒傳渺渺之變態罔辨五湖之聲名害荆韭渴連  
崧混冥貢莫遊胥瀰渺浮菱自剖渾而判氣長沁潤而

淪淪故震澤具區怖洪猛而殊號咸池五車混泱泱於  
瀛溟

秦淮可遊賦

有序

明 湯顯祖

庚寅晚夏望夕風月朗清人氣蕭爽大儀伍君命酒秦  
淮波上肅舲學宮弭柁乎斗門夷猶中流急管起於別  
航名倡更於樂府雜謔竒遙淹於丙夜同寅膳客郎兩  
顧君小儀蔡君各極本量而止懽如也就中客郎興寄  
橫發待余正陽門下坐流雲之碧階送淪霄之素月醉

言有清人之許離思多久客之懷歸攬朝霞賦成夕秀  
云爾

若夫赤月加望林鍾應響火熒熒而向流晷遲遲而欲  
往光拂鬱以延歇氣烝沈而失爽徒屏隱於軒廊闕遊  
觀於蒼莽何愜穆於周行獲佳期於漢廣樂我諸君秀  
而有文繚江閩之素氣朗吳越之奇氛既自公而多暇  
在燕私而必聞樓臺落日山川出雲木懷陰而靡景草  
含清而向臆首英寮其薦酒指蘭舟而命羣命羣兮何

適望秦淮兮今夕拊文石之傾闌背學宮之廣陌玉樹  
之長廊半陰金陵之倒影猶亦有所期兮未來借彈碁  
而遲客減人從以輕舟弛冠裳而露幘儼佳賓其已齊  
放寬波而試劇蔭紫蕪與丹馭雜青林兮紺石蟬嗽  
其翳響鳥差池而卷翮晦陽魚之出遊豔波禽之浮拍  
思暮的於天藻眷幽芬於蘭澤物有去而歡遲時有來  
而怨迫曠皇都其未娛舍流光而更索恨計往於尋常  
悟懷來於咫尺澹容與於清華蕩流連乎空碧蘋風起

而颯帷箭月浮而動席度江東兮宵柝嚴念漢西兮重  
闌隔泐水關而望迴限斗門而意窄態紛紜其自親飲  
周流而未憚極本量之推排盡觥籌之發摘蘭有藉兮  
風色鮮桂酒流兮月波液唳簫倡於鄰舫接棹謳乎伎  
籍吹激賞而彌亮唱延悽而屢繹諒不醉以無歸豈有  
懷而未襞水光搖其璣組露氣涼其簪綵滌滯慮於玄  
青玩回環於虛白下瀨疾而須款歸塘順而再逆邁亭  
臺於浦裔睇臯巒乎樹隙素光流兮雲石稠黛色深兮



風煙積或樹古而池平有朱門而畫帶釣渚何營漸臺  
誰闢吹簫屠狗之孫鳴鐘販脂之役杳河漢於清懷盼  
亭臯其可惜緬吳淮之百流斷秦餘之一沍擬王氣以  
中沈亘皇明而上直若渭水之貫都象明河之注極流  
美惡而匪鑑映井里其如織蔭居人於倍市駐遊冶之  
百色窗姝榜女之夜笑蘆人漁子之風食想閣道於何  
年悵籬門於此域荷年運之清夷竊君子之光飾況山  
川今夕佳有才情兮誰匿諸君感此且飲且持小人承

之或鼓或罷或唱驚蟬落葉或歌飛鵲依枝去清秋其  
幾何撫逝川其若斯清觴已矣良夜何其散殘瀝於津  
人分餘桃於侍兒收沈驪而一艤上前崖而載敲舂橫  
參之已西歎明星之不遲呶啞笑語徊旋步馳或有辭  
而未去或有去而不辭亦各極其致爾誠無嫌於參差  
別有東吳主客情源無竭偶先驅而非矯轉候余於南  
闕步嶢嶢而遡風立交桓而送月望紫氣之冥蒙坐玉  
街之瑩滑譚信州之積想喟玄都之素謁已九涉於星

霜詎雙彫於顏髮愴世路之悠悠對旁人而咄咄愛余  
行之高竒許微文之清越諒醉語其必誠豈寤言而可  
忽倏天雞兮告晨漾朝陽兮欲出意悠揚而就分興淋  
漓而未畢車倉皇而造門燭熈微而晃室歸夜遊兮氣  
清聽晨風兮思密雖映賞於蒹葭尚留驪於蟋蟀

雲夢賦

元  
馮福可

天壤之間兮水居其多彼九州而復九九兮吾不知其  
實那吾觀荊州之澤兮厥有識乎雲夢何積氣之所鍾

兮豈大瀛海者環之而不動羌南風之勁悍兮衍平原  
之四出怒鯢噴薄而吐腥兮蛟龍肝膽以人立茲二澤  
之相於兮關振古其如斯自雲土之兆見兮夢作又其  
從之奏庶食之艱鮮兮塵四載之胼胝探禹穴而會稽  
兮何神功之能虧渺千里之莽蒼兮跨長江之南北混  
元氣之淋漓兮豈乾坤其猶窄貫七澤而雄長兮鬱章  
華兮貝闕抑方城而漢水兮君胡為乎能國驅余車兮  
南夢兮策余馬兮雲中望脩門其已遠兮橫南極兮焉

窮寥芳洲之杜若兮湛落日之青楓何般遊之能極兮  
亦旣卹乎民之風張帝樂乎洞庭兮頌清風其江漢從  
楚獵之是夸兮曾不滿乎一歎倚皇仁之洋溢兮越漢  
而超唐東瀚海之無津兮西月竈其無旁水天而桂海  
兮奠宏基乎九有信雲夢之可吞兮又奚啻乎八九

限門賦

有序

明  
李元暢

吳川濱海而縣其南三十里有限門焉納鑑江零洞潭  
峨之水放於海門廣盈丈夾磧對峙如虎牙錯淺流中

逶迤蜿蜒而入卽瞿塘豔瀕之險不能過每風濤搏激  
雪浪山立其響如輕雷聞百里是門也北達燕齊旁通  
閩廣西南走諸島夷瓊雷硎洲僅隔衣帶水風勁可一  
瞬航之海上多故此門設半旅可當劔閣一夫也商舶  
至非購篙師定檣烏不敢入稍失道觸淺流中夾磧舟  
立瓜碎蓋亦海濱之雄鎮也余賦之俾履險者慎焉其  
詞曰

登文翁之崔嵬望南溟之一杯疑巨靈之辟石駭重門

而洞開納三川之積水轟萬古之奔雷挺螺峰以成戟  
斷鼇極以為椳限天險以南北通潮汐而往來故能咽  
喉水府闔闔乾坤陽侯抱關而擊柝馮夷效職以守閤  
長鯨透而恍呈魚鱗濃烟合而俄列藩垣呀百越而呬  
七閩總舸艦出入之戶控牂牁而引碣石立華夷保障  
之根其為狀也斷磧橫絕如環半缺對錯猛牙雙沈積  
鐵含形內虛盤紆曲折陰雲結駟而長驅高浪翻車而  
無轍或命火鰲而建羽旗或吐晴虹而安綽楔其為怪

也大塊噫氣海怒波揚飛濤起沫雪照炎鄉響振地軸  
勢動天閭類鉅鹿之戰人馬咆哮而落魄似漁陽之役  
鼓輦鳴咽而斷腸當其金樞吐月扶桑出日風靜蜃樓  
浪恬鮫室君靈雜運而曳裾層波澎湃而鼓瑟指安期  
於蓬萊恨登龍之無術憶博望之僊槎觸支機而蕩清  
及其出斯門也貢琛甘泉輸粟幽燕巨艦連屋危檣棘  
天候風挂席占星涉川迅若鯤鵬之展翮疾如騏驎之  
加鞭一息千里所屆不待於經年若乃雕題鑿齒寇戎



門庭青天黯，淡白日沈冥。龍爭虎鬪，山搖海傾，血流百  
谷，燧暗千城。樊噲荷戈以排闥，終軍無路而請纓。故治  
不可以忘亂，而國惟在於足兵。至如商櫟當門，津迷水  
涸，天道妒盈，風濤交惡。暗石穿舟，利同干鏌。貨隕深淵，  
人填巨壑。骨纏恨而難銷，魂依貪而靡泊。故宗元有招  
賈之文，而蔡襄戒弄潮之樂。亂曰：閭不在高，所重禦戎。  
閭不在深，所貴能容。蜀閭高矣，揖盜而入。龍門深矣，掃  
軌而急。惟茲限也，通一箭也。藏污納也，鎖宇縣也。閉而

席毋折而履敢告執戟寂如水毋囂如市敢告行李

南溪賦

明 李東陽

西涯子寓於南溪之上公事既竣賓客盡散清飈徐來  
旭日始旦春服漸減烏紗微岸方衆景之駢列忽羣憂  
之一泮沿隄而步則蒼蘚繡地丹櫻燒林野食呦鹿園  
鳴變禽繁華曜其陽叢篠蔭其陰松移徂徠之峰石出  
太湖之潯境已曠而復幽路將窮而轉深乘舟而泛則  
泓碧長曳汰痕圓暈虛亭倒影下入無朕菱穿荇繞脩

遠疑近飛羽夾翔游鱗作陣俯空鑑以窺明激清濤而  
拂潤雖非浮海之大觀亦得風雲之真韻登城而眺則  
面引鳬嶧背負岱宗左拱尼山之巉巖右瞻文廟之巖  
從古泗北枕清沂南帶遼泉出乎其側汶水繚乎其外  
深池曲竇下與溪會復有平疇萬區大澤千里高原隱  
伏廣路長迤天幕幕以四布雲飛飛其如駛思兩儀之  
既闢見萬象之流峙乾坤渺其無際靈氣宛兮攸止不  
然則一溪兮幾何吾寧獨羨乎此偶遇孔氏之父老過

而問曰美哉溪乎其源可得而知乎父老曰此周封之遺墟漢國之故池也其前則兩觀之門其後則靈光之基也地以人勝事隨代更逮我故公而南溪是名滲漉汙濁澄渟清冷塞者疏而為通涸者瀦而為盈坊危有隄臨深有凭培舊植以為堅綴新葩以為榮斯溪也乃冠裳之所咸集軒騎之所必經詞林侈以為盛事海內想聞其風聲矧伯仲之具美與東莊而並稱余嘗覽蓊遊燕檣吳纜楚忽使輶之東邁弭余節兮鄒魯魯之山

兮嶽崎魯之水兮漣漪匪王事之在躬余何為兮此溪  
窺聖途之浩蕩望學海之津涯歎時乎之不再觀逝者  
之如斯惟德澤之汪濊配宮牆之崔巍家與國而咸休  
名與牒而俱垂吾固知金石之足恃託文章以為奇於  
是衍聖公揖而進曰嗚呼此先君子之志也先生幸為  
我賦之余曰嘻有是哉乃呼墨援筆書於堂壁徘徊日  
夕蓋三宿而後出也

檻泉賦

有序

宋周麟之

陽羨祖瑩之左有泉正出蓋詩所謂感沸檻泉者也暇  
日往觀感而賦之

君山之陽大城之阜松楸城乎其中有泉出焉於蒼龍  
之首隱若靈湫豁若智井吹波若魚目沸滴若湯鼎吁  
此何水也若是其異乎山人告予曰維山之顛峨峨巍  
巍三峰環峙中空如卮萬斛之水瀦而為池蛟龍之所  
蟠神物之所司水滔天兮不溢旱竭澤兮不虧下灌注  
乎山隴之脈上潛通乎天潢之渚淼若波浸之在望常

未雨而生雲霓泓泓兮淵淵行地中兮冥然值沖秀之  
所萃乃奮迅而出焉稽之古詩是名檻泉其正出也萬  
竅互發瀍淪洄旋迸澄沙之金碎激浮漚之珠圓吹噓  
乎管灰之飛肱轉乎風蓬之旋其洩流也澗道委蛇如  
玄蚪之觸石遏流不平而鳴鏗鏘乎佩玉之音悠揚乎  
宮徵之聲擁山川之秀潤朝鬱鬱之佳城若乃陰伏陽  
亢害於有秋萬壑源斷千畦塹浮大雲晝燎燭龍夜遊  
山岳焦金石流則是泉也其澤涓涓其聲濺濺走竄綆

於百里漑稻林於平田其羨流餘浸猶足以已道渴而灌園蔬也出山隈踰南阡斯前抵於大澗之濱而下會乎東瀉之川則其澤物之功豈淺淺哉余乃憮然曰夫天下之水殊源異族注川曰谿注谿曰谷仄出而泛則為汎懸出而溜則為沃湧輪口而凌空則為汾陰之漢下萬仞而曳練則為匡廬之瀑弱水則鴻毛莫載湯泉則不火而燠或止或行或見或伏各隨物以賦形紛莫數乎衆目茲檻泉之感沸不槩見於編牘豈先德之涵



潤故於此發長源而兆吉卜也因相與植杖而坐挹泉  
而飲之且歌曰泉之流兮流祖之德肆其後兮沐靈澤  
泉之清兮為文英泉之湧兮騰仁聲世世兮承休與茲  
水兮同流

幔亭雨舟賦

有序

明 吳國琦

山背與崇安大溪南奔大溪西為孔道道行溪行看山  
絕無逢迎他山與大溪意乃山自為一溪從星邨東來  
於裴邨會大溪約可十里則為山面而亦絕無逢迎他

山為大溪意獨似戀戀於所自為一溪溪淺深行止山  
於溪南北各宛宛與溪相應溪前後左右亦各宛宛與  
山相應第山於峰外無所為山而峰於石外亦無所為  
峰者石或豐上斂下或方上尖下如神人端嚴拱揖者  
如美姝峭麗媚媚者如朱樓排雲雁塔摩漢者如城壘  
周遭正笏卓峙者如廩庾交列鍾鼓交陳者又或如龍  
驤虎踞猊蹲駿奔魚游龜息蟬寒蛙躁兔起鶻落箕播  
斗酌者月斧神工雕鏤殆盡然多安屢遷隨舟上下逐

境異名至精神一一全注之於溪大似老僧之於拂子  
英雄之於寶劍美人之於鏡文士之於硯者故遊他山  
則用杖履遊幔亭定用舟吳子於崇禎辛巳十月朔有  
事崇安李子去華先一日宿於裴邨望吳子之車長揖  
請渡溪吳子止之三之日事竣返漳李子如前請吳子  
遂下亦長揖李子曰信哉蓋甲戌春送李子歸崇安有  
曰幔亭他日約仙棹與層層是日雨從者止之吳子曰  
否否山以溪勝以石勝溪以雨勝以雲勝決意渡溪喬

木翁翳羽流之冢纍纍院雞啼午鐘磬寂然一老黃冠  
然香道左大王峰倚幔亭壁立院後與李子登殿升閣  
瞻徐真人遺蛻於閣上閣下方塘一泓其丹砂流液耶  
回視裴村已在煙霞外矣未幾而大王峰忽不見未幾  
忽見於雲表綠樹森森樹下如鶴如鹿恍惚不可為狀  
下閣舟進雨稍霽玉女一峰如初沐停撓久之此第二  
曲也大王幔亭仍亭亭隔岸至第三曲則見舟藏於壑  
矣李子曰剡木為舟其上古乎而東西兩巖奇花異草

撲舟闌干舟前後左右隨目所觸各有奇峰突一洞出  
於石壁之半洞口朽木片片或直或橫老黃冠曰此所  
謂虹橋板也四曲也金雞洞也下為深潭似有神物居  
之而洞傍小巖四出巖下多巢枯藤密構悉封苔蘚不  
可攀緣而巢傍如沐亦未見有所謂烏者其金雞乎抑  
青鸞朱鳳所棲息乎大王玉女時出棹後天遊三仰天  
柱鼓樓諸峰亦時出棹前似舍舟即可登者顧未可驟  
至也至潭盡石阻似乎溪窮舟子力撐頓闌一境蒼松

翠竹另成異區則晦翁院也前為晚對後為大隱屏亦  
未見漁樵往來而却橫小舟名平林渡久之有煙如縷  
出於青林老黃冠曰此茶戶也李子曰山中向多喬木  
廿年來茶戶利種茶竟爾濯濯而珍禽竒獸因不萃止  
惟此院與萬年宮喬木猶未伐耳余讀書院側曾見玄  
鹿白猿吳子曰此山以石為全體每對喬木大可數十  
圍而所著之土未及膚寸至峰頂之土幾何而喬木亦  
成林耶此正可與藏壑之舟虹橋之板一相參會停撓

久之及望隱屏右樓閣崔嵬幾與屏石爭奇闢麗則陳  
司馬之雲窩即石之臨溪者為水榭乘石之轉徑者為  
欄干吳子歷四五曲俱不能舍舟至此欲踰矣繇小榭  
穿石門為堂者一堂後為樓者一右樓為房者一房僅  
為前簷後為石壁壁下有石竈石臼石井房之右又數  
丈有閣堂之左有門轉徑則倚欄干可睇溪而回視樓  
左一亭孤立高與樓齊則紅葉亭適當霜楓滿山吳子  
與李子坐於亭於白雲紅樹裏見屏右一峰似斷似續

闊不踰丈而高可千仞似倚屏似不倚屏者則接筍峰也峰右一峰闊可二三里高可四五里其色潤如紫金有亭翼然於峰頂流泉一道出於亭前如玉龍騰空而下噴珠百道衆山皆響者則天遊瀑布也李子曰噫嘻遊勝哉信乎以雨勝也非雨無論溪無此汪洋無此生動若瀑布亦安能如此恣心暢意或躍或飛如珪如璧之不可方物哉長揖請昇天遊吳子止之舟返要舟返舟前後左右所歷諸峰與舟進舟前後所歷諸峰體同



而名有莫肖者矣其多姿也屢遷也皆以石也石所以  
多姿屢遷也以溪之舟進返也而今日進返之舟尤覺  
異乎向日進返之舟之多姿屢遷也又以溪之雲也雨  
也吳子曰九曲可窮而若不能窮者亦以雨也至九曲  
可窮而若留一不能窮者亦以雨也可窮而能窮者則  
九曲之見境也溪之窮可虞也可窮而若留一不能窮  
者則九曲之想境也溪之窮更莫測也李子曰噫嘻有  
是哉相與渡溪次於裴村回視幔亭又在煙霞外矣吳

子曰有人乎李子曰皀峰和尚於神宗壬戌隱於山日  
不再食二十年不易衣不見一客亦不聞出一語一丘  
道人目雙瞽已復明年九十猶燈下作蠅頭字步履如  
飛李子取筆墨童子秉燭吳子記李子詩吳子復詩復  
賦李子名韞去華其字號韋菴崇安人以高才生選入  
太學天啓甲子與吳子遇於金陵訂交

維茲岐海呼吸蓬瀛彼重雲之偏覆於梵天洪雨之如  
車如杵置器界於鯢鯨是為水聚風輪乃生吹沫擲空

莊嚴用成凡聖同居異其性情固不知夫奚以缺陷奚以滿盈奚以淵淪奚以崢嶸更不知夫若階若泥若埒若都若消若沮之奚以名蒼蒼莽莽懸圃閼風崦嵫之西渤海之東神漢出入尾閭胥通皆元氣之浩蕩闢日月於洪濛至人握玄樞而無終始萬彙固四大而自老童去者無際來者焉窮峙於南極者為丹穴聳於北斗者為崆峒想光音之所萃止或丘壑之所能逢即耳目之所近接得無躡天衢之崇隆不見渾灝之融結兮連

卷紆鬱而多姿列丹嶂之峭壁兮儵迤嶓而瀕涯旣縣  
亘以縱距兮亦突兀而蔽虧開洞天於中區兮帝五嶽  
而孩九嶷此閼闢之屹屹兮時霧塞而嵐靄樹鎖煙而  
浮沒兮鳥亂雲而參差胡武夷之挺秀兮若簇朱英而  
吐金芝昔穆滿之長驚兮賓帝女而觴瑤池嗣秦政之  
遣方士兮挹三神山庶幾乎遇之乃茲皇二禩之仲秋  
兮有皇太姥降於峰頂之屢屢呼曾孫而登濟兮席采  
幄而四垂進麟脯與椒漿兮羌會舞而陳詞歌未終而

風雨驟至兮環珮車馬之聲杳難追念會合之何常兮  
僉躑躅嗚咽而增悲散虹橋於絕巘兮復手披而可窺  
爰鼓棹於一曲兮拂大王雄風而噫嘻洵莊立而正視  
兮彼玉女若捧乎盤匱顧鶴影之淩亂兮波光盪而來  
思傳幽響於空谷兮睇舟抵壁而自支應大力之推於  
夜半兮旣幻化之如斯閭龍淵之沈沈兮聞金雞三號  
乎朝暉遂更衣而旅進兮中流有服氣上水之寶龜泉  
應聲而時溢兮儼乎宋代之威儀謁桑梓之衣冠兮表

六經如晨曦羌晚對以增高兮橫小舟而渡誰有綠竹  
之猗猗兮煙如縷而如絲昭大隱於百祀兮陋玉簡乾  
魚於漢時信神仙之可學兮下視塵世之冢何累累仰  
天游而聳望兮縱雙眸而猶夷峰冉冉以來奔閣軒軒  
以列睂忽瀑布之下於九霄兮寒衆山之氣如冰漸豈  
菩薩變幻之泉亦謝朓驚人之詩遊眺之外是為可居  
紅葉亭畔井竈離離接笋峰前白雲瀾瀾過此則汎雞  
犬之晴川兮觀銍艾於東菑遂去險以處廓兮嗟遊屐

至此而若遺揖羣峰而勇退兮覺此身在舟而可疑若  
乃山中之朝翠滴蒼流仙禽潛下素鮪交遊山中之暮  
千碧萬紫猿嘯何聲鴉棲復起厥山之陽僕夫蹢躅望  
途窈窕蘭茝風香厥山之陰泉竇冥冥漁歌寂寞燈火  
微明鳥則霜襟苔衣鳬雛雁子遙集河洲交喁芳芷名  
或自呼慧能營壘獸則連臂爲肩斑鱗虬角疾繞長林  
徐犇峻壑齡化玄白胎應晦朔器具則鼎鑪竈竈機杼  
井臼或置山椒或間淵藪孰爲之鏤孰爲之負果則大

桃穠李山榛隰苓其色若燦其甘如萍沉瀝絜美仙棗  
讓靈蔬則薺苗籜笋蔓菁蹲鴟紫莖綠葉柔荑素肌珍  
同旨蓄行備瓊靡逮夫鳳團鮮制井漂弗汲茗柯擅芳  
巖花謝客今古異宜厥貢簡易爾其雕欄繡戶翼然絕  
構摘藻抽毫風騷兼茂翰墨高懸磨崖鐫籀乃有結屋  
誅茆渺焉寡屬遁跡棲禪泊然無慾換骨昂霄驟鸞駕  
鵠至於妝整朝霞容妍新月遠岫遙連反景獨揭花影  
掃階林蔭覆樾鹿田疊疊而躬耕鶴浦曲曲而編筏鐵



笛之聲聞空采茶之唱欲歇又奚羨乎天台青城之奧  
區與夫赤松之徒嘉遯而辭金銀之闕哉顧舟之進也  
晴明可悅而今以其雨也山川亦別恍惚不可為象兮  
峰之起滅浩渺不可為音兮溪之鳴咽靜如太古潔如  
夜雪招彼谷中薜蘿之人兮辨香可爇似裊裊之入於  
高旻兮義天澄澈亂曰丹砂不可求如彼一丘如彼一  
丘可消煩憂丹砂可求闊然十洲闊然十洲蓬壺悠悠  
浮生朝昏蜉蝣春秋水聚風輪寒暑自周輟風塵片晷

之車為幔亭剎那雨舟之漫游

吳興品水賦

有序

明徐獻忠

旅寓吳興周覽洞壑見其源泉泌發流委無際雖雲林  
深密蘿薜空濛莫非玉液之房滄池之谷也孔子有言  
知者樂水若余之懵於玄感昧於素機何足以言知然  
不能忘情於是也作吳興品水賦

余眷心於澤國望菰城而問津泛清泠以窮奧曄曠朗  
之蒼根厥有迴峰北首積岫羣起金蓋耀靈以中聳鷺

嶺摩空而左峙倒景印波騰精溢髓散靈華之輪囷吐  
玄溟之變蘊元曜潤祥鴻泉鬱彌始含湏以濡谷因剖  
石而出漢剔丹源之竅根漱玄瀨於芳沚陰壑揚其洞  
波瓊田激而沸渼於是田畯迎歡遊人結睇飲芳瀾以  
懷予相禾黍而延竚夫岡巒吐氣騰為赤標雲根不衰  
妙有玄感此乃淵虛之至靈形神之大交也然而結氣  
上停有時而散流泓不息泛景同邁故仙源有朗玉之  
暉秘澈發流霞之頴標名白雲不亦美泉乎既乃泛駕

蒼雲之野回標夏杆之山遵磔澗而逶紆俯鏗流之潺  
湲修巒綴而谷隱靈石迸而根升足躡天維珠浮沸瀾  
瓊蔚生標琅徽振翰琳宮之沈影潤曜玉之闕顏眷  
洞壑之幽覽結遐軌而忘還若乃長城獨姥苞結束垂  
箬峴蒼雲蔚林彌望則有鼓吹揚靈金沙開潏琪巖豁  
竇玉乳雪漾八景同清三霄接象勾玄洗以渥潤激瑤  
華以浮浪澄髮理之縈絲含睇光於落嶂此則大塊之  
希精海若之秘藏其於金蓋之靈聳聳節而應符者乎夫

靈泉者其來何始始於太素玄道振蒼流雲切景委神  
不滯妙感無門謂之靈源可謂真賞故九華絕滓入氣  
涵清雲根興護仙蓋托靈瑛波竦象琳腴生熒紫房分  
沛太一含冷若使阿母延軒亦與太霞同咽者也予又  
何可廢之若乃托跡窮遐搜玄別秘澄川別渚振步披  
幽或興情河上或鍊思瀛丘則鴻翔無礙羽之鄉鶴羽  
泛騰颺之遊三江八澤赤岸神州納吐靈沙含璣孕璚  
陽侯為之浴德湯谷為之鳴蚪鼓長風而拊楫扣馮夷

之噴流蓋亦予之長計又何所不至乎故乃東折會稽  
西連故鄣天目朗具南聳具區劃而後洋廣苔南嶼董  
嶺仙溪旣溯瀉以懸溜餘英亭漾風渚西潭亦漫漭以  
遲洄夫鴻派介於通津疏流集於咸池旣淵渟之異情  
何澡德之不離遂乃靈潤右揚潁流西漪潏沆散波碧  
浪擅竒勺醴競甘迴波惜馳結綠潭以靜映揚素瀨而  
浮澌眇遐谷之閒澹望清連以興思斯亦川靈之效德  
波臣之媚義也余蓋有樂志焉

雪湖八景賦

明 蕭子鵬


姚江之上有叟若迂以倦遊於宦路遽投休於故廬嘗  
泛一舟攜一鶴以寄傲於一湖維時積雪初霽重陰漸  
除湛素波於萬頃涵天鏡於一虛肆瞻眺以無侶顧造  
物而有吾浣此心兮如濯蕩逸懷兮以舒維湖之上有  
山式崇攢圭聯壁於南於東凝華天表是曰雪峰維峰  
之下有行其阿疊縞成阜積瑜實陲一色無間是曰雪  
坡坡有一石皎若鏡團臺高巖瀨磯聳渭磻纖緇不染

是曰雪盤有道延亘於湖之渚璐連絡繹練引逶迤人  
跡迴絕是曰雪隄中有洲兮伊阻交瑤草兮如組欲狎  
鷗兮難尋乃寓名兮雪渚憶我蹤兮萍梗昔登仙兮蓬  
境今返棹兮冰淵乃寓名兮雪艇葺我居兮山麓陋以  
朴兮自足敞虛白兮內明乃自號兮雪屋嗟吾首兮若  
蓬眴湖景兮無窮形與鶴兮俱老乃自號兮雪翁雪翁  
欣然洗盞以酌湖靈惟爾湖之潔潔兮奚以千金而冒  
名恐以懷金之見免兮欲洗爾於一貞幸茲雪之布景



兮盍以雪而見稱忽有漁父披寒蓑兮皛皛揚煙水兮  
泠泠招雪翁而與語覺彼此而忘情笑謂曰湖歷千歲  
以如故雪乃一時而幻形遇玄陰而是集鑠陽耀而弗  
凝子何名湖以是歟雪翁曰天一生水維水其清雨凍  
成雪維雪乃精而我非絕俗以為潔遺世而獨醒懷酌  
貪泉而覺爽欲歌滄浪以濯纓聊於此湖而自適庶以  
畢於餘齡昔子瞻之構堂遇天雨雪而始成今我湖以  
式遊值積雪而遇晴皆以雪而為名兮初無意於自矜

雪付天兮水付湖是雪湖兮誰爾爭漁父不答款乃一  
聲杳然東去湖雪自明



御定歷代賦彙補遺卷四